



Centimetres
1 2 3 4 5 6 7 8 9 10 11 12 13 14 15 16 17 18 19
INCHES
1 2 3 4 5 6 7 8 9 10 11 12 13 14 15 16 17 18 19 20

TIFFEN Color Control Patches

© Tiffen Company, 2007



元書卷二十三上



藝文志第九上

邵陽曾廉撰

藝文志始於班書蓋源於劉歆七畧其自六經外諸流以爲益出於古者某官亦未盡足信也夫孔子錄上世之書斷自唐虞左氏所云三墳五典八索九邱秦漢無聞焉徒爲劉炫博多金而已抑帝命伯夷典禮后夔典樂其時皆未有成編夔之教胄子其稱詩言志歌永言聲依永律和聲則自詩以外卽禮亦不及焉而其詩亦多其時人所自作故曰言志元首股肱之辭其明徵也故孔子託始焉其後而三代之書商頌南雅作矣學記遂以詩書禮樂爲學者正業孔子居洙泗明帝王之道以詔後學惟周易爲之傳魯春秋爲之筆削而六經以名焉後人謂惟樂無書不知樂卽詩也

孔子言吾自衛反魯然後樂正雅頌各得其所析言之則有樂統
言之則詩也詩主乎志發乎聲而以和人心故曰直而溫寬而栗
剛而無虐簡而無傲言人之性必臻於善而矯其弊而後足以和
也故古者書籍少而人才多後世書籍多而人才少何哉古之人
要以和人心後之人惟務悅耳目以逞博辨也自春秋戰國以來
仲尼沒而微言絕七十子喪而大義乖於是作者興而家數繁矣
漢書而後厥有隋志隋志自宋齊梁陳都無記錄故於諸代皆具
載焉然其存者後亦多零落矣歐陽修所謂春風之吹馬耳者乎
然後世文學之士率多以著述名家雖其存亡有幸不幸而皆其
人之心之所存也元代經生文人往往而有朝廷亦采擇其可傳
之作以官錢刊行亦藝林之美也近嘉定錢大昕甄錄一代之書
作藝文志名爲元而備詳遼金晚宋及諸國亦倣隋書也余仍而

編次之云爾

金國語易經

趙秉文易叢說十卷象數雜說若干卷

雷思易

解若干卷

字西仲
渾源人

馮延登學易記

字子駿吉州人
金國子祭酒

呂豫易說

字彥先
修武人

單灝三十家易解

平原人

王天鐸易學集說

袁從義周易釋畧

字用之成鄉人
中條山道士

張氏易解十卷

張特立易集說

幹道冲周易卜

筮斷

字宗聖西
夏國相

趙汝棣周易輯聞六卷易雅筮宗一卷

李心傳

丙子學易編一卷

趙以夫易通六卷

字用甫資
政殿學士

蔡淵周易經傳

訓解二卷易象意言一卷

字伯靜
建陽人

稅與權周易啟蒙小傳

臨江人

李杞周易詳解十六卷

字子才
昌山人

董楷周易本義附錄十四卷

林

光世水村易鏡一卷

字逢聖莆田
人司農少卿

朱元昇三易備遺十卷

字日華溫
州平陽人

承節

李石方周易學二卷

字知幾資陽人
成都轉運判官

饒宗魯周易輯說若干卷

易經庸言若干卷

陳煥易傳宗

字時可豐城
人入元不住

俞炎大易會要一

百三十卷周易集說四十卷讀易舉要四卷易圖纂要二卷周易象辭二卷經傳考證若干卷易讀合璧連珠說若干卷讀易須知一卷六十四卦圖若干卷易古占法一卷卦爻象占分類一卷

雷思齊易讀通變五卷易筮通變三卷 周敬孫易象占 黃超然周易通義二十卷周易或問五卷周易釋蒙五卷周易發例一卷 胡方平易學啟蒙通釋二卷外易四卷易餘閒記一卷 史

蒙卿易究十卷 丁易東周易象義十卷大衍索隱三卷易傳十卷 邱富國周易輯解十卷易說約五篇字行可建安人宋亡不仕 胡次焱易說 熊禾易說 邱葵易解義 石一鰲互言總論十卷 齊

夢龍周易附說卦變圖 程時登周易啟蒙輯說字登庸樂平人 魏新之學易蠡測 陳普周易解注 史公珽蓬廬學易衍義象數發揮 劉莊孫易志十卷 程龍補程子三分易圖一卷筮法一卷字舜

俞安淵人徽州同知 鄭滌孫大易法象通贊七卷周易記玩若干卷中天述

考一卷述衍一卷 陳櫟東埠老人百一易略一卷 劉肅讀易備忘 薛微之易解名元以字行華陰人 郝經易周外傳八十卷太極衍二十卷太極傳一卷 許衡讀易私言一卷 胡祇適易直解 劉

因易繫辭說 胡一桂周易本義附錄纂疏十五卷易學啟蒙翼傳三篇外篇一篇 黃澤易學濫觴十翼舉要忘象辨象略辨同論 李簡學易記九卷 方回讀易析疑 胡炳文周易本義通

釋十卷周易啟蒙通釋二卷 傅立易學纂言十八卷 王埜翁見易篇 吳澄易纂言十卷 吾邱衍重正卦氣 倪淵周易集說二十卷圖說序例一卷 鄧文原讀易類編 郭鏗易說 黃

鎮成周易通義十卷 何榮祖學易記 趙采周易程朱傳義折衷三十三卷字德亮潼川人 黃定子易說字季安 汪標周易經傳通解字國

程直方程氏啟蒙翼傳四聖一心觀易堂隨筆字道大 婺源人 胡

震周易衍義十六卷 黃元易傳義大意十卷字長儒 汲人 劉淵易學

須知讀易記字學海 蜀人 李恕易音訓二卷字百中 廬陵人 范大性大易輯略

熊棟易說字季 陸 吳郡周易注十卷承新人名張應珍 後更姓名秘書少監 彭絲庖易

王申子大易緝說 張清子周易本義附錄集注十一卷

徐子祥讀易蠡測字似父 德興人 徐養晦先天圖義一卷 吳迂

易學啟蒙字仲迂 浮梁人 倪公晦周易管窺字孟陽 金華人 王希旦易通解字葵初 德興人 葉

張延周易備忘字世昌 濠城人 真定教授 曹說易說 劉傳易說字芳伯 鄱陽人 葉

瑞周易釋疑十卷字宗瑞 金谿人 鮑雲龍筮草研幾一卷字景翔 歙人 袁柄易

說 任士林中易字叔贊 奉化人 安定山長 董真卿周易纂注會通十四卷易

傳因革一卷 何中易類象二卷 胡允四道發明 余芑舒讀

易偶記字德新 德興人 程琪易說字仲璧 饒州人 楊剛中易通微說 李學遜大

易精解 鄭宜孫易圖說 彭復初易學源流 盛象翁易學直

指本源字景則 台州人 呂國州判官 程壽易學啟蒙類編 侯克中大易通義字正

謝仲直易三圖十卷 張理易象圖說內篇三卷外篇三

卷大易象數鉤深圖一卷 保八易原奧義一卷周易原指六卷

尚占二卷 紇石烈希元周易集傳二十卷 陳禧周易略例補

釋一卷 熊良輔周易本義集成十二卷 蕭漢中讀易攷原一

卷 潘弼讀易管見四卷字良 輔 錢義方周易圖說二卷 祝堯

大易衍義字君澤 上饒人 無錫同知 許天篋易象圖說字時榮 吉水人 陶元幹易注

惠希孟周易鉤元十卷 魯真周易注字起元 開化人 蔣宗簡周易集義

嚴用父易說發揮二卷 解蒙易精蘊大義十二卷 解

季通易義 韓信同易經旁注字伯循 甯德人 李公凱周易句解字仲容 宜春人

衛謙讀易管窺三十卷字山甫 華亭人 吳存周易傳義折衷字仲退 鄱陽人 盧觀

元書 卷二十三 藝文志上 四

易集圖

字彥達 崑山人

朱祖義周易句解十卷

字子由 廬陵人

胡持周易集解

陳應潤周易爻變義蘊四卷

石伯元周易演說

趙良震易經

通旨

字伯起

王結易說十卷

贈思奇耦陰陽消息圖一卷

曾

巽申周易鑑

牟楷河圖洛書說

字仲表 廣德人

盛德瑞易辨五卷

字祥父 崑山人

葉登龍周易記

黃瑞節易學啟蒙注四卷

字觀樂 安福人

朱隱老易

說

字子方 豐城人

陳謙周易解詁二卷 河圖二卷 占法一卷

曾貫易學

變通六卷

繆上一易經精蘊

周聞孫河圖洛書序說

字以立 吉水人

秦輔之易注

鄧錡大易圖說二十五卷

陳樵易象數新說

包希魯易九卦衍義一卷

字魯伯 進賢人

吳霞舉易管見六十卷 筮易七

卷

城熟室 休甯人

趙然明意官圖辨五十卷

吳夢炎補周易集義

孟

文龍易解大全

王愷易心三卷

黎立武周易說約一卷

字以常 新喻人

張志道易傳三十卷

字潛夫 金壇人

趙元輔編大易象數

深圖三卷

陳廷言易義指歸四卷

字君從 甯海人

劉整易纂圖一卷

字朱舉 古田人

劉霖

易本義童子說

字用蒼 安福人

陳宏易童子問易象發揮易孟通旨

古田人 同知吳

江州

潘迪周易述解

字庸民 元城人 國子司業

翟思忠易傳

張希文十三卦

攷一卷

字質夫 瑞州人

雷杭周易注解

鄭玉周易大傳附注程朱易契

余闕易說五十卷

梁寅周易參義十二卷

趙汭周易文詮

四卷 鮑恂學易舉隅三卷

呂洙易圖說

字宗魯 永康人

周之翰易象

管見易四圖贊

范氏竹溪易說

趙氏讀易記

無名氏大易

忘筮

右易

金國語書經

趙秉文無逸直解

王若虛尚書義粹三卷

呂

造尚書要略

同知集賢院

薛季宣書古文訓十六卷

楊簡五誥解四

卷 趙善湘洪範統一卷

傅寅禹貢說斷四卷

字同叔 義烏人

陳經書

元書

藝文志上

五

詳解五十卷

字顯之安福人奉議郎

陳大猷尚書集傳或問二卷

東陽人六部等閣

錢時融堂書解二十卷

字子是純安人史館檢閱

賀成大古洪範一卷

字季常

胡士行尚書詳解十三卷

廬陵人臨江教授

國語尚書節文

金履祥尚

書表注四卷尚書注十二卷尚書雜論一卷

陳煥書傳通

周

敬孫尚書補遺 何逢原尚書通旨

胡之純尚書或問

陳普

尚書補微 鄒次陳書義斷注六卷

字用弼宜黃人宋亡不仕

胡一桂書說

陳櫟書解折衷書集傳纂疏

董鼎尚書輯錄纂注六卷

胡炳

文書集解 趙孟頫書今古文集注洪範圖

吳澄書纂言四卷

吾邱衍尚書要略 繆主一書說

程直方蔡傳辨疑一卷

劉莊孫書傳上下篇二十卷 何中書傳補遺十卷

余芑舒讀

蔡傳疑一卷書傳解 張仲實尚書講義

程龍書傳釋疑

許

謙讀書叢說六卷 俞元燮尚書集傳十卷或問二卷

字邦亮建甯人

王

天與尚書纂傳四十六卷 王充耘讀書管見二卷 李天篪書

經疏 王希同尚書通解書說 韓信同書經講義 呂椿尚書

直解 字之壽晉江人 黃鎮成尚書通攷十卷 陳師凱書蔡傳旁通十卷

李公凱纂集柯山尚書句解三卷 韓性尚書辨疑一卷 吳

迂書編大旨 周聞孫尚書一覽 余日強尚書補注 字伯莊崑山人 朱

祖義尚書注解十三卷 馬道貫尚書疏義六卷 字德珍金華人 胡一中

定正洪範集說一卷 字允文諸暨人紹興軍事 田澤洪範洛書辨 居延人常德推官 謝

章洪範衍義 邱迪尚書辨疑 字彥啟吳人 王文澤尚書制度圖纂三

卷 字伯雨松江人 齊履謙書傳詳說一卷 陳樵洪範傳一卷 吳萊尚

書標說六卷 鄒季友書蔡傳音釋六卷 邵光祖尚書集義六

卷 字宏道饒州人 陳希聖洪範述 姚良尚書孔氏傳 張性尚書補傳

字伯成金谿人

元書

卷二十三 藝文志上

六

李簡詩學備忘二十四卷 何逢原毛詩通旨 趙惠詩辨說七

卷 熊禾毛詩集疏 陳煥詩傳微 胡一桂詩傳附錄纂疏八

卷 陳櫟詩經句解詩大旨讀詩記 胡炳文詩集解 陳深清

全齋讀詩編 雷光憲詩義指南十七卷 字友光 甯州人 劉莊孫詩傳音

旨補 程直方學詩筆記 程龍詩傳釋疑 安熙詩傳精要

吳迂詩傳眾說 朱近禮詩疏釋 蔣宗簡詩答問 周聞孫學

詩舟楫 李恕毛詩音訓四卷 劉瑾毛詩通釋二十卷 許謙

詩集傳名物鈔八卷 梁益詩傳旁通十五卷詩緒餘若干卷

羅復詩集傳音釋二十卷 字中行 廬陵人 朱公遷詩傳疏義二十卷 李

公凱毛詩句解二十卷 韓性詩音釋一卷 曹居貞詩義發揮

吳簡詩義 字仲廣 吳江人 楊舟詩經發揮 字道濟 吉水人 或曰字 梓夫 慈利人 翰林待制 蘇天爵讀

詩疑問一卷 曾堅詩疑大鳴錄 字子白 臨川人 貢師泰詩補注二十卷

秦玉詩經纂例 字德卿 崑山人 焦悅詩講疑 顏達詩經講說 夏泰

亨詩經音考 字叔通 會稽人 翰林編修 盧觀詩集說 楊燧詩傳名物類攷 字 元

度餘 姚人 周鼎詩經辨正 字仲恆 廬陵人 方道豁詩記 字以思 逢辰 孫杭州判官 朱倬詩

疑問七卷 包希魯詩小序解一卷 劉玉汝詩續緒十八卷 字 成

之廬 陵人 梁寅詩演義十五卷

右詩 趙秉文中庸說一卷 李純甫中庸集解一卷 饒魯中庸大學

纂述一卷 庸學十一圖一卷 金履祥大學章句疏義一卷 大學

指義一卷 黎立武中庸指歸一卷 中庸分章一卷 大學發微一

卷 大學本旨一卷 熊禾大學廣義二卷 邱葵周禮全書六卷

周禮定本三卷 蒙古字大學衍義節文 馬端臨大學章句疏

義一卷大學指義一卷 張翌喪服總類釋奠儀注 許衡中庸

說 蕭軒三禮記四卷 舒岳祥深衣圖說 朱隱老禮說 臧

夢解周官考三卷 敖繼公儀禮集說十三卷 戴良齊禮辨字

唐台州人陳櫟禮記集義詳解十卷深衣說一卷中庸口義一卷

陳普學庸指要 黃澤二禮祭祀述略禮經復古正言殷周諸侯

禘祫考周廟太廟單祭合祭說 黃鎮成中庸章旨 陳灝禮記

集說十卷 胡炳文大學指掌圖一卷 陳深攷工記句詁一卷

周禮訓雋十卷周禮訓注十八卷 繆主一禮記通考 陳時登

禮記補注深衣翼大學本末圖說中庸中和說 程龍禮記辨證

潘迪庸學述解 程逢午中庸講義三卷字信叔休甯人海甯教授 王申子周

禮正義 毛襄龍周官集傳二十四卷周官或問五卷 韓性禮

記說四卷 吳澄周禮經傳十卷儀禮逸篇八篇傳十篇禮記纂

言三十六卷三禮攷注六十八卷 趙居信禮經葬制 顧諒儀

禮注八卷字季友吳江人 葉起喪禮會記字振卿永嘉人 戴右玉治親書 彭絲

禮記集說四十九卷 陳伯春禮記解字耀卿晉江人 呂椿禮記解 周

尚之禮記集義上猶縣人 王夢松禮記解字曼卿青田人 張宏圖大禮記字

濟福清人葉遇春禮記覺言八卷 汪汝懋禮學幼範七卷深衣圖

攷三卷字以敬嚴陵人定海縣尹 劉莊孫周官集傳二十卷深衣攷一卷 李

思正中庸圖說一卷中庸輯釋一卷 劉惟思中庸簡明傳一卷

夏侯文卿中庸管見 牟楷深衣刊誤 王奎文中庸發明一

卷 齊履謙中庸章句續解大學四傳小注一卷 辭微之中庸

注 魯真中庸解一卷 練魯中庸說一卷 李師道大學明解

一卷 王文煥大學發明一卷字子敬括蒼人 吳灝大學講義一卷字義夫休甯人

李朝佐大學治平龜鑑 程仲文大學釋旨一卷 黃文傑大

學中庸雙說字顯明上猶人安遠教授 錢天祐大學經傳直解 潘迪庸學直

解 葉瑞庸學提要六卷 林起宗大學中庸圖 袁明善大學

中庸日錄 倪公晦學庸約說 鄭奕夫中庸大學章旨 景星

大學中庸集說啟蒙二卷 秦玉大學中庸標說 韓信同三禮

旁注 湯彌昌周禮解義字師言吳人安判官 惠希孟雜禮纂要五卷

龔端禮五禮圖解一卷 吳霞舉文公喪禮考異 周成大服制

考 陳友仁周禮集說十二卷字君俊湖州人 呂洙大學辨疑一卷 呂

溥大學疑問一卷字公甫永嘉人 吳當周禮纂言 曾貫庸學標旨 楊

維禎禮經約 趙友桂夏小正解 史季敷夏小正經傳考三卷

馮翼翁士禮考正 汪克寬經禮補逸九卷 張才卿葬祭會

要 程榮翼禮 蕭韓家奴遼禮書三卷 楊雲翼校大金禮儀

張行簡禮例纂一百二十卷 會同朝獻禘祫喪葬錄 張暉

大金集禮四十卷 至元州縣社稷通禮 廟學典禮六卷 李

好文太常集禮五十一卷成均志三十卷 脫脫朮太常續集禮

十五冊 王守誠續編太常集三十一冊 太常至正集禮二十

冊 太常禮儀沿革一卷 申屠致遠釋奠通禮三卷 袁桷郊

祀十議一卷 曾巽申鹵簿圖五卷書五卷郊祀禮樂圖五卷書

三十卷崇文鹵簿志十卷致美集成三卷 趙孟頫祭器圖式十

卷 黃以謙通祀輯略三卷 黃元暉通祀輯略續集一卷 何

元壽大德編輯釋奠圖八卷 趙鳳宜釋奠樂器圖一卷 范可

仁釋奠通載九卷通祀纂要二卷 吳夢賢釋奠儀圖一卷 張

希文丁祭考一卷 任拭三皇祭禮一卷 周之翰朝宜備錄五

卷朝宜紀原三卷字子宣大都人冠州知州 右禮

程時登律呂新書贅述 俞炎絃歌毛詩譜一卷琴譜四十篇九

歌譜 余載皇元中和樂經二卷皇元九成樂譜一卷 劉瑾律

呂成書二卷 彭絲黃鐘律說八篇 吾邱衍十二月樂舞譜

魯鐵柱琴譜八卷 字明善 畏吾人 鄭瀛琴譜二卷 苗彥實琴譜 熊朋

來瑟譜六卷

右樂

洪咨夔春秋說三十卷 趙鵬飛春秋經筌十六卷 字仁明 蘇州人 張洽

春秋集注十一卷 李石左氏君子例一卷詩如例一卷詩補遺

一卷 呂大圭春秋或問二十卷春秋五論一卷 字圭叔南安人知興化軍為蒲壽庚所害

家鉉翁春秋詳說三十卷 朱申春秋左傳句解三十五卷

李琪春秋王霸列國世紀編三卷 字開伯吳人 國子司業 杜瑛春秋地理原

委十卷 周敬孫春秋類例 謝朝春秋左傳續辨 吳思齊左

傳闕疑 徐文鳳春秋捷徑 熊禾春秋通解 邱葵春秋通義

程龍春秋辨疑 俞皋春秋集傳釋義大成十卷 許瑾春秋

經傳十卷 李昶春秋左氏遺意 郝經春秋外傳八十一卷

臧夢解春秋發微一卷 吾邱衍春秋說 安熙春秋左傳綱目

敬鉉春秋備忘四十卷明三傳例八卷 黃澤春秋三傳義例

考筆削本旨春秋師說三卷 陳深清全齋讀春秋編十二卷

程直方春秋諸傳考正春秋旁通 王申子春秋類傳 劉莊孫

春秋本義二十卷 彭絲春秋辨疑 季立道春秋貫串 字成甫處州人臨安山長

劉淵春秋例義春秋續傳記左氏紀事本末 陳櫟三傳節注

熊復春秋會傳 字庶可 南昌人 徐安道左傳事類 胡炳文春秋集解

指掌圖 張鑑春秋綱常 葉正道左氏窺斑 吳化龍左氏蒙

求 俞漢春秋傳三十卷 字仲雲 諸暨人 牟楷春秋建正辨 單庚金春

秋三傳集說分紀五十卷春秋傳說集略十二卷字君範 山陰人 陳則通

春秋提綱十卷 呂椿春秋精義 郭鏗春秋傳論十卷 劉彭

壽春秋正經句解春秋澤存 吳迂左傳義例左傳分紀春秋紀

聞 李應龍春秋纂例字玉林 光澤人 尹用和春秋通旨 黃琢春秋舉

要字玉潤 吉水人 蔣宗簡春秋三傳要義 潘迪春秋述解 許謙春秋

溫故管闢春秋三傳義疏 吳澄春秋纂言十二卷總例一卷

黃景昌春秋公穀舉傳論 周正如傳考二卷字明遠 浦江人 張君立春

秋集義 楊如山春秋旨要十卷字以游 嘉定人 吳師道春秋胡傳補說

程端學春秋本義三十卷三傳辨疑二十卷春秋或問十卷綱

領一卷 袁桷春秋說 齊履謙春秋諸國統記六卷目錄一卷

虞槃非非國語 敬儼續屏山杜氏春秋遺說八卷 王相春

秋主意十卷字吾素 吉水人 翰林修撰 黃清老春秋經旨字子肅 邵武人 翰林 編修 湖廣儒學提舉 吳敞

麟經賦一卷字朝陽 純安人 鎮平縣尹 俞師魯春秋說字唯道 婺源人 鄭杓春秋解義

字子經 福州人 林泉生春秋論斷字清源 永福人 翰林直學士 諡文敏 劉聞春秋通旨 方道

齋春秋集傳十卷 戚崇僧春秋纂例原旨三卷 馮翼翁春秋

集解春秋大義字子羽 永新人 撫州總管 鄧純翁春秋集傳 蘇壽元春秋經

世春秋大旨字伯鸞 福安人 王惟賢春秋旨要十二卷字思齊 鄞人 萬思恭春

秋百問六卷 汪汝懋春秋大義一百卷 梅致春秋編類二十

卷 魯震春秋五傳字惟南 廬陵人 鍾律春秋案斷補遺字伯紀 汴人 潘著聖

筆全經字澤民 嘉興人 吳宜春秋稗傳春秋類編春秋五傳論辨字明善 金谿人

王莊春秋釋疑 曹元博左氏敘事本末以字行 上海人 魏德剛春秋左

氏傳類編 陳植春秋玉鑰匙 魯真春秋案斷 蔡深春秋纂

十卷字惺仲 樂平人 徽州教授 張著春秋彙括三卷 趙孟何春秋法度編字漢弼 鄞人

讞義十二卷字子英 吳江人 張樞三傳歸一義三十卷 鄭玉春秋經傳

闕疑四十五卷 李廉春秋諸傳會通二十四卷 陳大倫春秋

手鏡 汪克寬春秋胡傳附錄纂疏三十卷 楊維禎春秋定是

錄十二卷左氏君子議春秋胡傳補正春秋透天關 趙汭春秋

集傳十五卷春秋屬辭十五卷春秋左氏傳補注十卷春秋師說

三卷春秋金鎖匙一卷 魯淵春秋節傳

右春秋

金國語論語 幹道冲論語小義二十卷 趙秉文刪集論語解

十卷 王若虛論語辨惑五卷 王鶚論語集義一卷 金履祥

論語集注考證十卷 陳櫟論語訓蒙口義 劉莊孫論語章旨

單庚金增集論語說約 林起宗論語圖 郭好德論語義

陳苑論語正義二十卷 齊履謙論語言仁通旨二卷 歐陽溥

魯論口義四卷 劉豈蟠論語句解十二卷 任士林論語指要

吳簡論語提要 沈易論語旁訓字翼之 松江人 俞杰論語訓蒙字仁仲 鹿水人

處州 教授 葉由庚論語纂遺字成父 義烏人 鄭奕夫論語本意 石洞紀

聞十七卷

右論語

金國語孝經 圖象孝經 蒙古字孝經 張翌孝經口義一卷

許衡孝經直說一卷 余芑舒孝經刊誤一卷 江直方孝經

外傳二十二卷 程焜道孝經衍義 白賈孝經傳 錢天祐孝

經直解 吳澄孝經定本一卷 林起宗孝經圖解一卷字伯始 內邱人

貫雲石直解孝經一卷 楊少愚續孝經衍義 董鼎孝經大義

一卷 李孝光孝經圖說一卷 沈易孝經旁訓一卷 朱申孝

經句解一卷 許衍孝經注一卷 陳樵孝經新說 鈞滄子孝

元書 卷二十三 藝文志上

經管見一卷

右孝經

金國語孟子 趙秉文刪集孟子解十卷 王若虛孟子辨惑一卷

劉章刺刺孟一卷 金履祥孟子集注考證七卷 李昶孟

子權衡遺說五卷 許衡孟子標題 陳普孟子纂圖 吳迂孟

子集注附錄讀孟子法一卷 孟子年譜一卷 孟子家記一卷 夏

侯文卿原孟 林起宗孟子圖 吳萊孟子弟子列傳二卷 孟

子通解十四卷 孟子衍義十四卷 孟子思問錄一卷 孟子

旁解七卷

右孟子 僧行均龍龕手鑑四卷 女真字母 韓孝彥五音篇十五卷

韓道昭改併五音集韻十五卷 字伯暉 真定人 大定重校類篇十五冊

韻十冊 鄭昌時韻類節事 字仲康 洪州人 汾州教授 戴侗六書故三十二卷

字仲達 永嘉人 宋軍器少監 蒙古字訓 韃靼字母 朱宗文蒙古字韻二卷 字彥

章信 安人 胡炳文爾雅韻語 陳櫟爾雅翼節本 洪焱祖爾雅翼

音釋三十二卷 字彥實 徽州人 休寧縣尹 包希魯說文解字補義十二卷 吳

叡說文續釋 字孟思 濮陽人 吾邱衍說文續解學古編鐘鼎韻一卷 續古

篆韻一卷 周秦刻石釋音一卷 石鼓詛楚文音釋一卷 戚崇僧

復古編一卷 劉致復古糾謬編 秦不華重類復古編十卷

吳均增修復古編四卷 楊桓六書統二十卷 六書沂源十三卷

書學正韻三十六卷 杜本六書通編十卷 華夏同音若干卷

何中六書綱領一卷 補六書故三十二卷 叶韻補疑一卷 吳正

道六書原六書通正六書淵源圖 偏旁辯誤六書存古韻譜 倪

鏗六書類釋三十卷 許謙假借論一卷 舒天民六藝綱目二

卷字執風

鄭杓衍極二卷

李文仲字鑑五卷

張子敬經史字

源

樓有成學童識字字玉汝

義烏人

柳貫字系二卷

劉鑑經史正音

切韻指南一卷

陳仁子韻史三百卷

字同備

楊信父鐘鼎篆韻

五卷

名鉤以字

陳元吉韻海

魏温甫正字韻綱四卷

李世英

類韻三十卷

黃公紹熊忠古今韻會舉要三十卷

公紹字直翁忠字

陰時夫韻府羣玉二十卷

名幼遇

錢全袞韻府羣玉掇

遺十卷

字慶餘

嚴毅押韻淵海二十卷

字子仁

盛輿韻書羣玉敬

之吳

蔣子晦韻原六十卷

李士濂免疑字韻四卷

竹川上人

集韻 邵光祖韻書六卷

周伯琦六書正譌五卷說文字原一

卷 潘迪考定石鼓文音訓一卷

鮑完澤采目貫珠集聯珠集

選玉集

字信卿

右小學

馬定國六經考

王若虛五經辨惑二卷四書辨惑一卷

岳珂

九經三傳沿革例

卷 姚樞等五經要語

張璠經說四經歸

極 熊禾四書標題

杜瑛語孟旁通八卷

鄭樸翁四書指要

二十卷

龔庭松四書朱陸會同注釋二十九卷舉要一卷

俞

炎經傳考注

黃仲元四如講藁六卷

字善甫莆田人國子典簿宋亡更名淵字天叟教授鄉里以終

牟

應龍九經音考

胡一桂四書提綱

胡炳文四書通三十四卷

五經會意四書辨疑若干卷

劉因四書集義精要三十卷

陳

普四書句解鈴鍵

許謙四書叢說二十卷

熊朋來五經說七

卷 陳櫟四書發明三十八卷四書考異十卷

黃澤六經辨釋

補注翼經罪言經學復古樞要

趙孟玉九經音釋九卷

歐陽

長孺九經治要十卷

雷光霆九經輯義五十卷

陳天祥四書

注二十六卷四書辨疑十五卷

吳師道三經雜說八卷

孟夢

恂四書辨疑 瞻思五經思問四書闕疑 李恕五經旁注六卷

字自中 廬陵人 何異孫十一經問答五卷 王希旦五經日記 周聞孫

五經纂要 蕭志仁經解佩觿錄十卷 字無惡 廬陵人 趙惠四書箋義纂

要十二卷紀遺一卷 詹道傳四書纂箋二十八卷 張存中四

書通證六卷 字德成 新安人 王充耘四書疑義貫通八卷 林處恭四書

指掌圖 汪九成四書類編二十四卷 字又善 新安人 程復心四書章圖

二十二卷四書章圖彙括總要發義二卷 字子建 婺源人 徽州教授 余國輔經

傳考異 馬瑩五經大義四書答疑 字仲珍 建德人 吳仲迂經傳發明

宋元翁五經約說 曾兵申經解正譌 張純四書拾遺 陸正

七經補注 字行正 海鹽人 鄭君老五經解疑 字邦壽 長溪人 王所五經類編二十

五卷 字煥叔 黃巖人 戚崇僧四書儀對二卷 蕭鎰四書待問八卷 字南金 臨江人

桂本五經統會四書通義 杜本四經表義 歐陽侁五經旨

要四書釋疑 安熙四書精要考異 景星四書集說 陳樵經

解四書本旨 汪逢辰七經要義 字虞卿 歙人 楊方叔五經辨 吉水人 張

溘四書拾遺 字子素 南樂人 郭鏜四書述 趙居信經說 劉霖四書纂

釋 蕭元益四書衍義 字楚材 安仁人 石鵬四書家訓 字雲 卿 何安子四

書說 字定夫 薛延年四書引證 字壽之 平水人 陳紹大四書辨疑 字成甫 黃巖人

牟楷九書辨疑四書疑義 劉彭壽四書提要 周良佐四書人

名考 唐懷德六經問答 字思誠 金華人 陳剛五經問難四書通辨 字子楷 溫州人

陽人 虞槃經說 林處恭四書指掌圖 臨海人 解觀四書大義 吉水人

人 邵大椿四書講義 字春東 壽昌人 臨海人 包希魯點四書凡例 字魯伯 進賢人

吳存四書語錄 薛大猷四書講義 陽陰人 黃清老四書一貫四

十卷 王桂四書訓詁 字仲芳 東陽人 麗水人 何文淵四書文字引證九卷

陳尙德四書集解 富德人 祝堯四書明辨 涂指生四書斷疑

字自昭宜黃人源溪山長

蔣子晦四書箋惑字若晦東陽人

吳大成四書圖字浩然瑞安人永嘉縣丞

傅定保四書講蒙 馮華四書直解字君重閩人劍南教授 李巖經筵講

蒙四十九卷 葉夢鱣經史音要 倪堂詩書集要三冊易春秋

筆記 熊本經問四十卷 倪士毅四書輯釋三十六卷 史伯

璿四書管窺八卷 韓信同四書標注 馬豫四書輯義六卷

朱公遷四書通旨六卷四書約說四卷 袁俊翁四書疑節十二

卷 曾買四書類辨 邊昌四書節義字伯盛吳人 黃寬四書附纂

楊維禎五經鈴鍵四書一貫錄 潘迪六經發明 董彝四書經

疑問對八卷

右羣經

蕭貢史記注一百卷字真卿咸陽人戶部尚書 呂思誠兩漢通紀 蘇天爵兩

漢詔令 王希聖續漢春秋 郝經續後漢書九十卷 張樞續

後漢書七十三卷刊定三國志五十六卷 趙居信蜀漢本末三

卷 張延東晉書二卷棗城人真定教授 謝翱南史補帝紀贊一卷唐書

補傳一卷 蔡珪補南北史六十卷 金國語新唐書 遼譯五

代史 蕭永祺遼史七十五卷 陳大任遼史 完顏學迭中興

事蹟 遙輦克汗至重熙以來事蹟二十卷 大遼古今錄 大

遼事蹟 耶律儼皇朝實錄七十卷 室昉統和實錄二十卷

遼史百一十六卷 大金德運圖說 范拱初政錄十五卷 金

先朝實錄三卷 太祖實錄二十卷 太宗實錄 大金弔伐錄

楊廷秀四朝聖訓 熙宗實錄 睿宗實錄 世宗實錄 大

定遺訓 顯宗實錄 章宗實錄 衛王事蹟 宣宗實錄 張

師顏南遷錄一卷 瞻思金哀宗紀 王鶚汝南遺事四卷 楊

奐天興近鑑 北風揚沙錄 天興墨淚 金史一百三十五卷

宋季三朝政要六卷 宋史四百九十六卷 張樞宋季遺事

劉一清錢塘遺事 咸純遺事 陳仲微廣益二王本末一卷

秦玉宋三朝摘要 鄧光薦德祐日記填海錄續宋書 周才

宋史略十六卷 聖武開天記 太宗平金始末 元祕史十卷

續祕史二卷 平金錄 平宋錄 諸國臣服傳 伯顏平宋錄

太祖實錄 太宗實錄 定宗實錄 睿宗實錄 憲宗實錄

世祖實錄一百一十卷事目四十五卷聖訓六卷 順宗實錄

成宗實錄五十六卷事目七卷制誥錄七卷 武宗實錄五十

卷事目七卷制誥錄三卷 仁宗實錄六十卷事目十七卷制誥

錄十三卷 英宗實錄四十卷事目八卷制誥錄二卷 泰定實

錄 明宗實錄 文宗實錄 甯宗實錄 權衡庚申外史二卷

史□至正遺編四卷 大元聖政國朝典章六十卷 經世大

典八百八十卷 吾邱衍晉史乘一卷楚史構杌一卷 王邇東

周四王譜 吳師道戰國策校注十卷 徐天祐吳越春秋音注

十卷 陳翼子唐史卮言三十卷 戚光音釋陸游南唐書一卷

右史 楊雲翼等續資治通鑑 相威譯語資治通鑑 金履祥通鑑前

編十八卷 胡三省音注資治通鑑二百九十四卷釋文辨誤十

二卷 郝經通鑑書法 尹起莘通鑑綱目發明五十九卷 劉

友益通鑑綱目書法五十九卷 何中通鑑綱目測海三卷 王

幼學通鑑綱目集覽字行卿 望江人 徐照文通鑑綱目攷證五十九卷字

章上 虞人 金居敬通鑑綱目凡例考異 吳迂重定綱目 徐誥續

通鑑要言二十卷 西仲埜通鑑日纂二十四卷 馮翼翁通鑑

小錄通鑑考索通鑑類要 董蕃通鑑音釋質疑字子衍宜興 人鈞臺山長 潘

榮通鑑總論一卷 汪從善通鑑地理志二十卷 字國良杭州新城人邵武總管 張

特立歷年係事記 胡一桂歷代編年 察罕帝王紀年纂要一

卷 蘇天爵遼金紀年

右通鑑

胡一桂十七史纂古今通要十七卷 楊奐正統書六十卷正統

八例序 姚燧國統離合表 王約史論三十卷 陳櫟歷代通

略四卷 陸以道宋鑑提綱 無錫人翰林待制 楊如山讀史記三卷 秦

輔之史斷 余瑾史補斷 許謙觀史治忽幾微 戚崇僧歷代

指掌圖二卷 黃繼善史學提要一卷 倪堯史學提綱 夏希

賢金史提要編 廣信人昭文館大學士 鄭滌孫直說通略十三卷 鄭鎮孫

歷代史譜二卷 張明卿世運略八卷 字子晦天台人 倪士毅歷代帝王

傳授圖說 馮翼翁正統五德類要三十四卷 陳剛歷代帝王

正閏圖說 柴望丙丁龜鑑五卷 舒岳祥三史纂言 呂溥史

論 余漢史評八十卷 雷光霆史辨三十卷 韓信同史類纂

趙居信史評 謝端正統論辯一卷 錢天祐敘古頌二卷

朱震亨宋論一卷 李好文歷代帝王故事百六篇 虞廷碩歷

代制誥五卷 楊維禎史義拾遺二卷 曾先之十九代史略十

八卷 董鼎汪亨史纂通要後集三卷 吳簡史學提綱 宋

紀史奇蹟十五卷 羅伯綱王子讓史略考

右諸史

遼譯貞觀政要 趙秉文貞觀政要申鑒百里指南 楊雲翼趙

秉文龜鑑萬年錄君臣政要 傅慎微興亡金鑑錄一百卷 秦州人禮部尚

楊伯雄瑤山往鑒 秦城人右補闕 士民須知 蒙古字忠經 蒙古

字貞觀政要 戈直集註貞觀政要十卷 孟夢恂漢唐會要

陳櫟六典撮要 王暉守成事鑑十五篇承華事略六卷相鑑五十卷 馬祖常列后金鑑千秋紀略 塔失不花承華事略 李

洞輔治篇 李好文大寶錄大寶龜鑑 程時登臣鑑圖 徐宗

度皇玉大訓 朱嗣榮政鑒 戴焞歷代人臣正邪龜鑑二百卷

許熙載經濟錄四卷 張巨濟萬年龜錄十卷 瞻思帝王心

法 許師敬皇圖大訓 朱兒直班治原通訓 張明卿政事書

一卷 趙天麟太平金鏡策八卷 鄭介夫太平策 卜天璋中

興濟治策二十篇 吳明定本萬言策 艾本固太平十策 郭

慶傳經邦軌轍十卷 汪逢辰太平要覽 彭天錫政刑類要一

卷 字仲仲 湖州人 葉留為政善惡報應事類十卷 秦輔之資政格言一

冊 程琪九疇策疏 省部政典舉要一冊 成憲綱要五冊

諭民政要一冊 六條政類 會要格例六冊 張立道平蜀總

論 大定治績二卷 馬端臨文獻通考三百四十八卷 揭傒

斯奎章政要 袁誠夫征賦定考 徐泰亨吏學大綱十卷海運

紀原七卷 餘杭人 陳椿熬波圖一卷 瞻思河防通議二卷 任

仁發水利書十卷 松江人 都水少監 歐陽原功等太平經國二百二十卷

至正河防記一卷 拯荒事略一卷 王喜治河圖略一卷 韓

準水利通編 曹慶水利論說 張光大救荒活民書八卷歷代

錢譜一卷 武祺寶鈔通考 王士點禁扁五卷 內府宮殿制

作一卷 國初國信使交通書 蘇霖有官龜鑑十九卷 梁琮

官吏須用十六卷 官民準用七卷 徐天瑞吏學指南一卷 字君

祥吳人 玉璽傳聞一卷 徐中立平徭六策 孫鎮歷代登科記

字安常 絳州人 徐勉之科名總錄 元統元年進士題名錄一卷 陳剛

歷代官制說 金國官制一卷 王士點商企翁祕書志十一卷

趙世延風憲宏綱二十冊 敬儼國朝憲章十五卷 趙承禧

憲臺通紀一卷 潘迪憲臺通紀二十三卷 唐惟明憲臺通紀

續集一卷 索元岱南臺備紀二十九卷 劉孟琛南臺備要二

卷 王輝玉堂嘉話八卷中堂事紀三卷烏臺筆補十卷 高謙

吏部格例一百八十卷 曾德裕考功秣式二卷 六曹法十二

卷 資正備覽三卷 任棫太常沿革二卷 王鼎焚椒錄一卷

七賢傳 鄭當時節義事實 列女傳圖像 戴羽武侯通傳

三卷 楊元忠史一卷 翟思忠魏鄭公諫續錄二卷 辛文房

唐才子傳十卷 羅有開唐義士傳一卷 吳武子東坡事蹟

陸有米海岳遺事一卷 吳夢炎朱文公傳 黃奇孫三朝言行

錄 昭忠錄 汪逢辰忠孝錄 陳顯曾昭先錄 劉岳申文丞

相傳一卷 龔開文天祥傳陸秀夫傳 謝翱浦陽先民傳一卷

舒彬廣信文獻錄字文質 永興人 胡懋東陽人物表 彭士奇廬陵九

賢事實錄 元永貞東平王世家三卷 汪壽昌隴右王汪氏世

家勛德錄 蘇天爵國朝名臣事略十五卷治世龜鑑一卷 贍

思西域異人傳 吳師道敬鄉前後錄二十三卷 黃一清節孝

錄 張翥忠義錄三卷 鄭濤旌義編二卷字仲舒 浦江人 太常博士 徐顯稗

史集傳 陳氏崇孝集一卷 楊三傑明倫傳五十卷字曼卿 獨人 張

明卿尙左編 葉由庚瘦叟自誌一卷 保越錄一卷 海道經

一卷 海隄錄一卷 運使復齋郭公言行錄 永豐尹辜君政

績一卷 真定東和善政錄

右論記

蕭貢五聲姓譜 金重修玉牒 女真郡望姓氏譜 女真字百

家姓 蒙古字母百家姓一卷 十祖系錄 陳櫟姓氏源流一

卷 希姓略 楊謨姓氏通辨 排韻增廣事類氏族大全 梁
 益史傳姓氏纂 程時登孔子世系圖三卷 吳迂孔子世家考
 異二卷 施澤之孔子實錄十之卷 孔克己孔子世家一卷
 孔元祚孔氏續錄五冊 孔澤孔聖圖譜三卷 張璠闕里通載
 孔濤闕里譜系一卷 字世平 衡州人 程復心孔子論語年譜一卷 孟子
 年譜一卷 張樞曲江張公年譜一卷 張師留梅宛陵年譜
 豫章羅氏族譜 盧龍趙氏族譜 俞慶俞氏家乘十卷 黃潛
 義烏黃氏族譜圖 柳穆浦江柳氏宗譜 覃氏世系譜 彙城
 董氏世譜 晏氏家譜 雒陽楊氏族譜 羅氏族譜 兩伍張
 氏家乘 吳海吳氏族譜 程峴程氏族譜三十卷 字和卿 休南人 汪嗣
 昌汪氏勳德錄 汪松壽汪氏淵源錄十卷 蔡珪續歐陽公集
 錄金石遺文六十卷 金石遺文跋尾十卷 古器類編三十卷 共

山書院藏書目錄 上都分學書目 陸氏藏書目錄

右譜錄



曾滋培
 申嘉淦 刊
 申翊淇
 門人曾 煦襄校
 門人曾士琮詳校

元書卷二十三上

元書卷二十三上

邵陽曾廉謨

藝文志第八中

金女真字家語 女真字揚子 女真字文中子 趙秉文揚子

發微一卷 太元箋贊六卷 文中子類說一卷 王廣謀孔子家語

句解三卷 李純仁編顏子五卷 趙復傳道圖伊洛發揮朱子

門人師友圖希賢錄 張鎮引毅訓蒙 許衡小學大義四箴說

語錄又魯齋先生心法一卷 王應麟困學紀聞二十卷 劉因

小學四書語錄 蕭剡小學標題駁論 許謙自省編日間雜記

孟夢恂性理本旨 吳澄學基學統二篇 柳貫近思錄廣輯

三卷 張養灝經筵餘旨一卷 李好文端本堂經訓要義十一

卷 史伯璿管窺外編五卷 吳仲迂先儒法言先儒粹言

字可翁 番陽人

趙居信理學正宗一卷 蔣子晦學則二十卷 劉君賢學問

類編字文定 泰和人 曾巽申心性論理氣辨 馮翼翁性理羣書五子旨

要古書正偽錄 陸正正學編 胡炳文性理通純正蒙求三卷

程端禮讀書分年日程三卷 林起宗志學指南圖心學淵源

圖小學題辭 陳剛性理會元二集四十六卷 張復性理遺書

十四卷字伯陽 建安人 時榮洙泗源流八卷 蕭元益洙泗大成集字楚材 安化人

黃鎮成性理發微四卷 王文煥道學發明一名子敬字 叔恭松陽人 張明

卿存養錄十二卷 王德新學則二篇 俞長孺心學淵源 陳

樵太極圖解通書解聖賢大意性理大明荅客問石室新語 程

時登太極圖說一卷西銘補注一卷 呂洙太極圖說一卷 劉

霖太極圖解 鄭謚太極圖集義窮神字彥淵 金華人 何中通書問一卷

朱本太極圖解通書解皇極經世解 張懷遠編周子書四卷

鄭原善補正蒙解 熊禾小學句解文公要語 黃瑞節朱子

成書十卷 熊朋來小學標注 熊良輔小學入門 韓準小學

書闕疑字公衡沛人 南臺侍御史 李成己小學書纂疏字友仁 陝西人 蔣捷小學詳斷

訓十二卷字勝欲 宜興人 蔣延年小學纂圖六冊 熊大年養正羣書一卷蒙養大

世義 祝泌皇極經世觀物篇解六十二卷 方回皇極經世考

齊履謙皇極經世書入式一卷外篇微旨一卷 杜瑛皇極引

用八卷皇極疑事四卷極學十卷 朱隱老注皇極經世書十八

卷正蒙說 薛微之聖賢心學編皇極經世圖說 邱葵經世書

聲音既濟圖 安熙續皇極經世書 徐驥皇極經世發微字伯驥 婺源人

鄭松皇極經世書續一名復字時 立樂安人 蔡仁皇極經世衍數一百五

十四卷字和仲 饒州人 邱富國經世補遺三卷 何榮祖觀物外篇 何

元書 卷二十三上 藝文志中 二

六書
卷二十三
霞舉太元潛虛圖十卷 桂本三極一貫圖道統銘 鄭以忠宮

學正要二卷 曹涇服膺錄字清甫 欽人 史若佐景行錄一卷 茅知

微至性書 胡一桂人倫事鑑 吳海厚本錄 惠希孟家範五

卷 鄭文融浦江鄭氏家範三卷 吳宗元吳氏宗教一卷 女

真字黃氏女書 徐柏益訓女蒙求 丁儼金閨彝訓字主敬 新建人 許

熙載女教書六卷字獻臣 彭德 人有王父

右儒

陳景沂全芳備俎天台人 至元農桑輯要書七卷 魯鐵柱農桑

衣食撮要二卷 羅文振農桑撮要七卷 王禎農書二十二卷

字伯善 東平 人豐城縣尹 汪汝懋山居四要字以敬 浮梁 人國史編修 陸泳田家五行一卷

字伯翔 松江人 農桑雜令 苗好謙栽桑圖說司農 承

右農

女真字太公書 女真字伍子胥書 女真字孫臏書 張守愚

平遼議三卷 秦輔之武事要覽 趙孟頫禽經一卷 吳澄校

正八陣圖 程時登八陣圖通釋 俞在明用武提要二十篇

右兵

鄭汝翼永徽法經 梁琮唐律類要六卷 王元亮唐律疏義釋

文三十卷唐律算例圖字長卿 汴梁人 吳萊唐律刪要三十卷 金國刑

統 秦和律義三十卷 秦和新定律令敕條格式五十二卷

承安律義 皇統制條 大定重修制條十二卷 李祐之刪注

刑統賦 至元新格 大元通制八十八卷 至正條格二十三

卷 贍思審聽要訣 刑統一覽五冊 趙惟賢刑統 徐泰亨

折獄比事字和甫 餘杭人 王與無冤錄二卷 金玉新書二十七卷

右刑

元書

卷二十三上 藝文志中

三

王庭筠叢辯十卷 王若虛經史辯惑四十卷 趙秉文資暇錄

十五卷 蕭貢公論二十卷 張行簡清臺記皇華戒嚴記爲善

記 李純甫鳴道集說一卷 韓城澗泉日記三卷字仲止 上僕人 岳珂

魏鄰錄十五卷 劉祁處言四十三篇 李治敬齋古今難四十

卷羣書叢削十二卷泛說四十卷 方鳳野服考一卷 周密齋

東野語二十卷癸辛雜志前集一卷後集一卷續集二卷別集二

卷澄懷錄二卷續澄懷錄三卷灑然齋視聽抄灑然齋意鈔灑然

齋雅談 俞炎幽明辨惑一卷書齋夜話四卷 車若水脚氣集

二卷 仇遠稗史一卷 白斑湛淵靜語二卷 方回虛谷問鈔

一卷續古今考三十七卷 陳櫟勤有堂隨錄一卷 吾邱衍閒

居錄一卷 俞德鄰佩韋齋輯聞四卷 史弼省己錄一卷 蔣

子正山房隨筆一卷 張都燕居叢談 卷 雷光遠史子辨義

三十卷 汪自明禮義林三十卷 馬端臨義根守墨三卷 包

希魯諸子纂言 凌緯董子雜言 張光祖言行龜鑑八卷 莫

惟賢廣莫子字景行 錢唐人 吳亮忍書一卷 貢奎上元新錄聽雪齋記

鮮于樞困學齋雜錄一卷 季仁壽春谷讀書記二百卷 杜

本十原 葉氏愛日齋叢鈔十卷 熊本讀書記二十五卷 楊

漢英明哲要覽九十卷 方宜孫經史說五卷 張延要言一卷

李紳日間錄一卷 劉堯隱居通義三十一卷字起潛南豐 人延平教授 陳

世隆北軒筆記一卷 郭襄履雪齋筆記一卷 鄭杓覽古編

孟夢恂筆海雜錄五十卷 黃叔英憇庵暇筆三卷字彥質 慈溪人 曾巽

申過聞錄二卷 伊世珍瑯嬛記三卷 宋无寒齋冷話

蘇天爵春風亭筆記二卷 顧逢船窗夜話一卷負墮雜錄一卷

元書

卷二十三上

藝文志中

四

錄 陸友研北雜志二卷 陳汝霖休休居士雜錄 盛如梓庶

齋老學叢談三卷 衢州人官 崇明判 方用茗谷叢說 程龍弄環餘記

虞集就日錄一卷 李材解醒語一卷 夏頤東園友聞二卷

清略錄六卷 廣客談一卷 黃潛日損齋筆記一卷 吳福孫

清容軒手鈔 字子善 杭州人 然太古翼越集記二卷 明來孫江 西郎中 陳世宗隨

隱漫錄五卷 孔齊至正直說四卷 字行素 洪陽人 楊瑀山居新語四卷

鄭元祐遂昌雜錄一卷 謝應芳辨惑編四卷 姚桐壽樂郊

私語一卷 字樂年 桐廬人 餘干教授 羅志仁姑蘇筆記 字壽可 新喻人 陳樵負暄野錄

二卷 錢全表芝蘭室雜鈔 汪從善生意齋筆錄三十五卷讀

書記十卷中朝紀聞 唐元見聞錄二十卷 東南紀聞三卷

郭霄鳳江湖紀聞十六卷 林坤誠齋雜記二十卷

右雜家 楊圃祥百斛珠 元好問續夷堅志四卷 吳元復續夷堅志二

十卷 字山漁 番陽人 鍾嗣成錄鬼簿二卷 字繼先 沐梁人 關漢卿鬼董五卷 異

聞總錄四卷 喬吉青樓集一卷 字夢符 太原人 曹繼善安遠堂酒令一

卷 朱士凱揆敘萬類 張小山等包羅天地 伊世珍瑯環記

三卷 沈膺元緝柳編三卷 常陽妻龍輔女紅餘志二卷 邵

文伯灝然翁手鈔五色線三卷

右小說 楊雲翼懸象賦一篇五星聚井一篇 岳熙載天文精義賦三卷

天文祥異賦一卷天文主管釋義二卷注李純風天文類要四卷

字壽之 湯陰人 金司天大夫 張翼天象傳 郝經玉衡真觀變異事應 杜叔通

天地囊括圖說

右天文

元書 卷二十三上 藝文志中 五

遼譯通秣 金大明秣十卷 趙知微重修大明秣 張行簡改
 定太一新秣 耶律履乙未元秣 楊雲翼句股機要象數雜說
 耶律楚材西征庚午元秣二卷 郭守敬等授時秣經三卷推
 步七卷立成二卷轉神一卷又上中下三秣注式十二卷時候箋
 注二卷修改源流一卷儀象法式二卷二至晷影考二十五卷五
 星細行考五卷新測無名諸星一卷月雜考一卷授時秣法撮要
 李謙授時秣議三卷 齊履謙二至晷影考二卷授時秣經串
 演撰八法一卷 札馬魯丁萬年秣西域人 孟夢恂七政疑解
 程時登閩法贅語 趙友欽革象新書 李治測圓海鏡十二卷
 益古演段三十卷 彭絲算經圖釋九卷 朱世傑四元玉鑑二
 卷
 右秣算

王白百中歌冀州人與國節度使 耶律純星命總括三卷 張謙新校地理

新書十五卷 丞相兀欽注青烏子葬經一卷 張行簡人倫大

統賦一卷 太乙統宗寶鑑二十卷 太乙星書二十卷 張居

正六壬祛惑鈴 程直方續元二集三卷 祝泌六壬大占壬易

會元祝氏祕鈴五卷 徐施二先生元理消息賦注一卷 回回

課書一冊 耶律楚材五星祕語一卷先知大數一卷 李欽夫

子平三命淵源注一卷 神谷子圖注解千里馬三命三卷 王

氏範圍要訣一卷 陸森玉靈聚義五卷總錄二卷字茂林平江人陰陽教諭

王宏道三元正經二卷 吳澄刪定葬書 鄭謐注釋葬書一卷

吳海葬書四卷 朱震亨風水問答 余禎地理十準 劉秉

忠平砂玉尺經六卷後集四卷玉尺新鏡二卷 焦榮選葬編錄

三卷 李道純周易尙占三卷 馬貴周易雜占一卷 季克家

元書 卷二十三上 藝文志中 六

戎事類占二十一卷

字肖翁
富州人

王鼎易卦海底眼

右五行

蔡珪晉陽志十二卷補正水經三卷燕王墓辯一卷

呂貞幹礪

石志

字周卿
大興人

王寂遼東行部誌一卷鴨江行部誌一卷

暢訥地

理指掌圖

聖朝混一方輿勝覽

大一統志七百五十五卷

大一統志一千卷

郡邑指掌十冊

蕭艸九州志

郝衡大元

混一輿地要覽七卷

朱思本輿地圖二卷

字本初
臨川人

汪從善地理

考異六卷

滕賓萬邦一覽集

皇元建都記

楊奐汴故宮記

一卷紫陽東游記一卷

陳隨應南渡行宮記

吳萊古職方錄

八卷松陽志略若干卷甬東山水古蹟記一卷南海古蹟記一卷

謝翱睦州山水人物古蹟記一卷浙東西游錄九卷

德府節要圖經

潛說友臨安志四卷

韓性紹興志八卷

熊

自得析津志典

字夢祥豐城人
崇文監丞

王惲汲郡志十五卷

于欽齊乘六

卷

字思容益都人
兵部侍郎

宋某東郡志十六卷

徐碩至元嘉禾志三十二

卷

嘉興教授

相臺續志十卷

舒津奉化志十卷

張鉉金陵新志

十五卷

字用鼎陝西人
學古山長

戚光集慶路續志太平路圖志十冊

劉恭

松江志八卷

錢全袞續松江志十六卷

俞希魯鎮江府志

王仁輔無錫志二十八卷

字友章昌人

秦輔之練川志

馮復京昌國

州圖志七卷

楊諱崑山郡志

袁桷延祐四明志二十卷

元恭四明續志十二卷

字居敬真定人
慶元總管

迺賢河朔訪古記十六卷

黃潛義烏志七卷

贍思鎮陽風土記續東陽志西國圖經

章

嘉天台郡志平陽州志

戴璧東陽志

陳安可永康志

梁載

處州路志十冊

溫州路志十冊

洪焱祖續新安志十卷

汪

元相祁門志

汪幼鳳星源續志

趙迎山續豫章志十三卷

元書

卷二十一

藝文志中

七

劉有慶潘斗元續豫章職方乘十四卷 吳存鄱陽續志 李士

會樂平廣記字有元 樂平人 李彝南豐郡志三冊 李肖翁豐水續志六

卷字克家 富州人 費著成都志 峽州路夷陵志三冊 陳士元武陽志

略 元統赤城志 李好文長安志圖三卷 黃鄰諸暨志十二

卷 陳子翬重修上虞志 許汝霖嵗志十八卷 黃奇孫南明

志 楊升雲瑞陽志 致和三山續志 吳鑑清源續志二十卷

字明之 閩人 嚴士真崇陽志 耶律楚材西游錄 長春真人西游

記二卷 劉郁西使記一卷 郝經行人志 張德輝邊墩紀行

鄧牧大滌洞天圖記三卷 周密武林舊事十二卷 蔡微瓊

海方輿志字希元 瓊山人 南雄路志一冊 張立道雲南風土記六詔通

說安南錄 郝天挺雲南實錄五卷 李京雲南志略四卷字景山 河間人

張道宗紀古演說集一卷 潘昂霄河源志字景梁 濟南人 集賢 侍讀學士 諡文簡

李處一西岳華山志一卷 劉大彬茅山志三十三卷字處人 茅山道士

楊少愚九華外史 天台山志一卷 曾堅四明洞天丹山圖詠

集一卷 陳性定仙都志一卷 元明善龍虎山志三卷 李孝

光雁山十記一卷 盛熙明補陀洛迦山考 張雨茅山志十五

卷 王約高麗志四卷 李志剛耽羅志略三卷 周達觀真臘

風土記一卷温州人 周致中異域志三卷 汪煥章島夷志略一

卷字大淵 江西人 文子方安南行記禮部郎中 安南副使 元貞使交錄 吳自牧夢

梁錄二十卷 郭天錫客杭日記一卷名昇以字 行丹徒人 古杭夢游錄一

卷 李有古杭雜記四卷 宣伯聚浙江候潮圖說 陸友吳中

舊事一卷 高德基平江紀事一卷 凌緯唐山紀事 費著歲

華紀麗譜一卷華陽人 重慶總管 黎崱廬山游記三卷安南志略二十卷

馬哥波羅東亞錄

右地理

遼譯方脈書

直魯古脈訣鍼灸書

成無己注傷寒論十卷傷

寒明理論三卷論方一卷

劉完素傷寒直格三卷後集一卷續

集一卷別集一卷運氣要旨論一卷精要宣明論一卷治病心印

一卷河間劉先生十八劑一卷素問要旨八卷原病式二卷宣明

方論十五卷傷寒標本心法類萃二卷傷寒直格論方三卷傷寒

醫鑑一卷 張從正汗下吐法治病撮要一卷傷寒心鏡一卷祕

錄奇方二卷儒門事親十五卷張氏經驗方二卷直言治病百法

二卷十形三療三卷雜記一卷 李慶嗣傷寒纂類四卷改證活

人書二卷傷寒論三卷鍼經一卷醫學啟元 紀天錫集注難經

五卷字齊卿 泰安人張元素注叔和脈訣十卷潔古本草二卷潔古老人

醫學啟源三卷病機氣宜保命集三卷一名活法機要趙大中風科集驗

名方二十八卷趙素 訂補太醫院新編本草 張存惠重修經史證

類本草三十卷字魏卿 平陽人李杲辨惑論三卷蘭室祕藏六卷脾胃論

三卷東垣試效方九卷內外傷寒辨三卷用藥法象一卷傷寒會

要醫學發明九卷 王好古醫壘元戎十二卷此事難知二卷湯

液本草三卷湯液大法四卷陰證略例一卷痲論萃英一卷錢氏

補遺一卷 竇默銅人鍼經密語一卷標幽賦二卷指迷賦瘡瘍

經驗全書十二卷 羅知悌心印紺珠一卷字子敬 號太無羅天益衛生

寶鑑二十四卷內經類編試效方九卷字謙甫 棗城人劉純傷寒治例一

卷 楊士瀛傷寒類書活人總括七卷 潘濤醫家繩墨 鄧文

彪醫書集成三十卷字謙伯 金谿人危永吉醫說一卷字德祥 金谿人高彭醫

書十事 王國瑞扁鵲神應鍼灸玉龍經一卷 錢全袞海上方

戴起宗脈訣刊誤三卷 王仁整增注醫鏡密語一卷 號鏡潭 蘭溪人

鄭焱運氣新書 字景文 蜀人 李鵬飛三元參贊延壽書五卷 王珪泰

定養生主論十六卷 申屠致遠集驗方二十卷 朱震亨丹溪

醫案一卷丹溪纂要八卷丹溪治法語錄三卷丹溪手鏡二卷格

致餘論一卷丹溪心法附餘二十四卷丹溪治痘要法一卷活幼

便覽二卷局方發揮一卷傷寒辨疑本草衍義補遺金匱鉤元三

卷平治蒼萃方三卷傷寒摘疑一卷外科精要新論 趙良醫學

宗旨金匱衍義 尚從善本草元命苞九卷傷寒紀元妙用集十

卷 李范希注難經四卷脈髓一卷 胡仕可本草歌括八卷

危亦林世醫得效方二十卷 薩德彌寶瑞竹堂經驗方十五卷

齊得之外科精義二卷 曾世榮活幼新書二卷 承天仁惠

局藥方 黃大明保嬰玉鑑四卷傷寒總要三卷脈法三卷集驗

良方六卷 亦姓游字東 之臨川人 朱搗心印紺珠經二卷 程汝清醫學圖說

葛應雷醫學會同二十卷 字震文 平江人 王氏小兒形證方二卷 袁

坤厚難經本旨 謝縉孫難經說 陳瑞孫難經辯疑 鮑同仁

通玄指要賦二卷經驗鍼法一卷 字用良 歙人 何若愚流注指微論三

卷指微賦一卷 鄒鉉壽親養老新書四卷 熊景元傷寒生意

字仲光 崇仁人 李中南錫類鈴方二十二卷 陸仲達千金聖惠方 堯

允恭德安堂方一百卷 馮道元全嬰簡易方十卷 孫允賢醫

方大成十卷 艾元英如宜方二卷 吳恕傷寒活人指掌圖三

卷 號家齋 錢唐人 項昕後脾胃論 呂復內經或問靈樞經脈箋五色診

奇眩切脈樞要二卷運氣圖釋養生雜言脈緒脈系圖難經附說

四時變理方長沙傷寒十釋松風齋雜著 杜思敬濟生拔萃方

十九卷 徐彥純玉機微義五十卷本草發揮四卷 字用誠 山陰人 倪維

德元機啟微二卷校訂東垣試效方 王履百病鈞元二十卷醫韻統一百卷醫經沂泗集一卷傷寒立法考 滑壽難經本義二卷十四經絡發揮二卷素問注鈔三卷傷寒論鈔二卷診家樞要一卷醫家引殼一卷五臟補瀉心要一卷滑氏脈訣一卷醫韻一卷痔瘻篇 葛乾孫醫學啟蒙經絡十二論十藥神書一卷 吳海自試方 黃存誠診脈樞機 姚良玖古鍼灸圖經一卷 忽先生金蘭循經取穴圖解一卷名公素甫 道士殷震簡驗方 瑤瑤道人八法神鍼二卷 端必瓦成就同生要一卷 因得囉菩提手印道要一卷大手印無字要一卷 忽思慧飲膳正要三卷 賈銘飲食須知八卷 雲林堂飲食製度集一卷 韓奕易身遺意二卷字公望平江人入明不仕 馬經通元方論六卷 安驥集八卷 治牛馬駝騾等經三卷

右醫方

金國語老子 趙秉文南華略說一卷列子補注一卷 李純甫老子解莊子解 時雍道德經全解六卷 李霖道德經取善集十二卷 寇才質道德經四子古道集解十卷 劉處元陰符經注一卷 唐純陰符經注二卷 雷思齊老子本義莊子旨義 俞炎陰符經解一卷 李衍老子解二卷 劉莊孫老子發微 褚伯秀莊子義海纂微一百六卷 劉惟永老子集義大旨三卷 集義十七卷 王珪道德經注還原奧旨字君璋常熟人 李道純道德會元二卷字元素臨濠人 吳澄道德經注四卷南華內篇訂正二卷 呂與之老子講義 陳岳老子注字南申天台人 趙學士老子集解四卷全解二卷 張慶之老子注字子善吳人 瞻思老莊精義 何南鄉南華注十三卷 杜道堅道德經原旨四卷原旨發揮二卷關尹子闡元

三卷文子續義十一卷武康道士 鄧錡道德經三解四卷 林至堅

老子注二卷 趙素陰符經集解二十卷

右道

非濁往生集二十卷 李純甫楞嚴外解金剛經別解鳴道集說

五卷 必蘭納識聖譯楞嚴經大乘莊嚴寶度經乾陀般若經大

涅槃經稱讚大乘功德經不思議禪觀經 耶律楚材辯邪論

萬松老人評唱天童覺和尚頌古從容益錄萬松老人評唱天童

拈古請益後錄萬松老人釋氏新聞萬壽語錄 鄭思肖釋氏施

食心法一卷太極祭煉一卷 普濟五燈會元二十卷字大川 靈隱僧 祥

邁至元辨偽錄五卷 妙聲九皋錄 清琪石室語錄常熟僧 念

常佛祖通載二十二卷嘉興祥符寺僧 覺岸釋氏稽古略四卷字靈洲 湖州僧 至

元法寶勘同總錄十卷 善良十門指要約說三卷指要餘論一

卷教觀撮要四卷 百丈清規八卷 本巖禪師語錄 一元釋

氏護教編 元長語錄字無明號千巖湯號佛慧圓明廣照無邊普利大禪師烏口伏龍山聖壽寺僧 雲壑心燈錄

林泉老人空谷傳聲錄三卷虛堂習聽錄三卷 僧祖明四會

語錄徑山僧 大圭紫雲開士傳 曇噩唐宋高僧傳 續釋氏通

鑑十五卷 妙果禪師語錄名永盛字梵原西湖僧 海印筆論注 眞覺慧

燈集 惟則楞嚴經會解十卷楞嚴擲丸一卷天台四教儀要正

明本中峯和尚廣錄三十卷 一葉五花集四卷 庵事

須知一卷 劉謐靜齋學士三教平心論二卷 清筏宗門統要

續集十二卷 普度蓮宗寶鑑十卷字優曇廬山東林寺僧 普會禪宗頌古

連珠通集四十卷 心泰佛法金湯編十卷 大訖松雪普鑑二

卷 海弼古梅禪師語錄二卷廬州僧 恕中和尚語錄六卷 元

叟端禪師語錄八卷 雪村聚語錄金壇人 盛勤源宗集嘉興資善寺僧

元書 卷二十三 藝文志中

志磐佛祖統紀五十四卷 神僧傳九卷 禪林類聚二十卷

右釋

金萬壽道藏經目錄十卷 王嘉全經集十三卷重陽教化集三

卷分黎十化集二卷金關玉鎖訣一卷重陽授丹陽二十四訣一

卷 馬鈺金丹口訣一卷神光燦一卷洞元金玉集十卷 王處

一雲文集四卷 大微仙君功過格一卷 道藏經七千八百餘

帙 道藏缺經目錄二卷 耶律楚材編元風慶會錄一卷 邱

處機大丹直指二卷青天歌一卷鳴道集語錄一卷 王志謹磐

山語錄一卷 東明人號棲雲真人 林懷谷神篇二卷 戴起宗悟真篇注疏

八卷 俞炎參同契發揮三卷釋疑一卷易外別傳一卷席上腐

談二卷元學正宗二卷爐火監戒錄一卷 吾邱衍道書援神契

一卷極元造化集 董漢醜羣仙要語二卷仙學摘粹二卷 陳

冲素內丹三要一卷 陳虛白規中指南一卷 趙道一歷代真

仙體道通鑑前集六十卷後集四卷 薛季昭度人上品妙經注

三卷 李道純太上老君常清淨經注一卷護命經注一卷大通

經注一卷洞古經注一卷中和集六卷三天易髓一卷全真集元

秘要一卷 徐道齡北斗本命延生經注五卷 陳致虛參同契

分章注三卷悟真篇三注五卷度人經注三卷金丹大要十六卷

金丹大要圖一卷金丹大要仙派一卷列仙志一卷 字觀吾自號上陽子 重

陽立教十五論一卷全真坐鉢捷法一卷 陸道和全真清規一

卷 自號清元子 樗櫟道人編金蓮正宗記五卷 劉志元金蓮正宗仙

源像傳一卷 李道謙七真年譜一卷甘水仙源錄十卷終南山

祖廷仙真內傳三卷 金月巖編紙舟先生全真直指一卷抱一

含三秘訣一卷 趙友欽仙佛同源十卷金丹正理盟天錄 張

元 卷二十三 藝文志中 七

雨元品錄五卷碧巖懸會錄二卷外史出家集二卷 鄭源非非

懸解篇浦陽人 劉道明武當福地總真集三卷 清微仙譜一卷

清和真人北游語錄四卷 丹陽真人語錄一卷 瑩蟾子語

錄六卷 蔡栖雲洞元法書宗派圖一卷臨湘人

右神仙

申翊洪 刊

申嘉淦

門人曾傳儒襄校

門人曾士琮詳校

元書卷二十三中

元書卷二十三下

邵陽曾廉撰

藝文志第八下

遼道宗皇帝清甯集 平王隆先閭苑集 蕭柳歲寒集 蕭孝

穆寶老集 蕭韓家奴六義集十一卷 耶律良慶會集 耶律

資中西亭集 耶律孟簡放懷詩一卷 耶律庶成詩文 楊佶

登瀛集 金豫王永成樂善居士文集 密國公琦如菴小藁六

卷 蔡松年集 蔡珪文集五十五卷 吳激東山集十卷 馬

定國齋堂集 趙可玉峰散人集 趙颯黃山集 王庭筠文集

四十卷 劉從益蓬門先生集 李純甫內外藁 王若虛慵夫

集滹南遺老集四十五卷 王元節遯齋詩集 元德明東崑集

三卷 宇文虛中文集 高士談蒙城集 李愈狂愚集二十卷

徒單鑑宏道集六卷 耶律履集十五卷 楊雲翼文集左氏

莊列賦各一篇 趙秉文溢水集三十卷 李獻甫天倪集 張

行簡文集十五卷 張公藥竹堂集 史旭詩一卷 王寂拙軒

集六卷北遷錄字元老玉田人中都轉運使諡文肅 劉仲尹龍山集字致君益州人 劉迎山林

長語字無黨東萊人太子司經 周昂常山集字德卿真定人 劉中文集字正夫漁陽人左司都事 鄺權

坡軒集字元興安陽人著作郎 史肅澹軒遺藁字舜元京兆人 蕭貢文集十卷 馮

延登橫溪翁集字子駿吉州人禮部侍郎 毛麾平水老人詩集十卷字牧遠平陽人太常博士

王琢姑汾漫士集字器之平陽人 景覃集字伯仁華陰人 劉鐸集字文仲秦州人兵部員外郎

秦略集字簡夫陵川人 張琚草齋集字子玉河中人 杜佺錦溪集字真卿武功人 李之翰

漆園集字周卿濟南人 楊興宗龍南集高陵人 晁會泣水集字公錫高平人 郭用

中寂照居士集字仲正平陽人 張邦彥松堂集字彥才平陽人 王世賞浚水老人

集字彥功汴人 桑之維東臯集字之才恩州人 許悅詩集字子遷雁門人 劉豫集十卷

劉躡南榮集東平人 董師中漳川集字紹祖邯鄲人 郭長倩崑崙集字曼

聘詩文二千餘篇 呂中孚清漳集字信臣南宮人 張斛南游詩北歸詩

張建蘭泉老人集字吉甫蒲城人 黨懷英竹谿集十卷 鄭子

祝簡鳴鳴集字廉夫單父人太常丞 朱之才霖堂集字師美洛西人 施

宜生集字明望蒲城人翰林學士 劉汲西崑集字伯深翰林應奉 劉瞻集字崑老亳州人 郝侯

虛舟居士集字子玉太原人河東北路轉運使 史公奔洹水集字季宏大名人直學士 李仲略丹

源徒鈞集 王敏夫集 曹珏卷欄集二卷字子玉滏陽人 曹戶部詩集

三十卷曹望之字景蕭宣德人 路鐸虛舟居士集 張庭玉詩集字子榮易人 姚

孝錫雞肋集字仲純豐人 趙元恩軒集字宜之定襄人 侯大中詩集號損齋公安人 馬

鈺漸悟集 郝大通太古集四卷 岳珂玉楮集八卷 劉宰漫

塘文集三十六卷 陳文蔚克齋集十七卷字才卿上饒人 徐照芳蘭軒

集字靈暉永嘉人 徐璣二薇亭集字靈淵永嘉人 翁卷西巖集字靈舒永嘉人 趙師秀清

集字靈暉永嘉人 藝文志下

苑齋集字靈秀永嘉人高安推官 辟師石瓜廬詩字景石永嘉人 程秘洛水集 魏了

翁鶴山全集一百卷 真德秀西山文集五十六卷 周文璞方

泉集四卷字晉仙陽穀人 趙汝鎡野谷詩藁六卷字明翁袁州人鎮江管榷 洪夔谷平

齋文集三十二卷 袁甫蒙齋集四十卷 杜範清獻集二十八

卷 吳泳鶴林集四十卷 許應龍東澗集十四卷 劉學箕方

是閒居士小藁二卷字習之崇文人 華岳翠微南征錄字子西貴池人 戴相浣川

集十八卷字文子永嘉人秘書郎 陳元晉漁墅類藁八卷字明甫崇仁人 程公

許滄洲塵缶編 鄭清之安晚堂詩集 陳耆卿篔簹窗集字壽老臨海人國子司業

吳子良荆溪集字明甫臨海人太府少卿 戴復古石屏集石屏詞字式之天台人 汪莘方

壺存藁八卷字叔耕休甯人 方大琮鐵菴集三十七卷字德潤莆田人知隆興論忠惠 吳潛

履齋遺集四卷 王邁臞軒集二十卷 戴昺東野農歌集字景明天台人

包恢敝帚藁略八卷 徐鹿卿泉谷文集 卷 詹初流塘集

二十一卷字以元休甯人太學學錄 嚴羽滄浪集二卷字儀卿邵武人 蘇泂冷然齋集

二十卷字召叟山陰人 李曾伯可齋雜藁三十四卷續藁八卷續藁後十

二卷 劉克莊後村集五十卷字潛夫莆田人龍圖直學士諡文定 韓澆澗泉集 李

昂發文溪存藁二十卷字俊明番禺人吏部侍郎諡忠簡 張侃拙軒集六卷字直夫湖州人上虞

丞 高斯得恥堂存藁八卷 方岳秋崖集字巨山歙人知袁州 施樞芸隱橫舟

藁一卷芸隱倦游藁一卷字知言丹徒人 樂雷發雪磯叢藁五卷字聲遠甯遠人

宋伯仁西塍集字聖之湖州人 許斐梅屋集五卷字忱夫海鹽人 歐陽守道巽齋

文集二十七卷 姚勉雪坡文集五十卷字述之南安人校書郎 陳著本堂集

卷字元倫休甯人 湯漢東澗集 周彌端平集字伯弼汝陽人 吳錫疇蘭皋集三

莊靖先生遺集十卷 元好問遺山集四十卷詩集二十卷樂府

二卷 楊宏道小山集 卷 李冶敬齋文集四十卷 杜瑛中山

元書 卷二十三下 藝文志下 三

文集十卷 楊奐還山集六十卷紫陽集八十卷 馬廷鸞碧梧

玩芳集二十四卷 牟巖陵陽集二十四卷 王應麟深甯集百

卷 劉祁神川遜士集二十卷 康階澹軒文集 王鶚應物集

四十卷 王磐鹿菴集 郝經陵川文集三十九卷附錄一卷一

王雅二百五十篇皇朝古賦一卷 魏初青崖集十卷 劉秉忠

文集十卷詩集二十二卷藏春集六卷藏春詞一卷 許衡魯齋

遺書六卷重輯魯齋遺書十四卷文正公大全集三十卷 姚樞

雪齋集 楊果西庵集 楊恭懿潛齋集 徐世隆瀛洲集一百

卷 高鳴河東文集五十卷 何希之雞肋集 劉敞蒙川遺藁

四卷 字聲伯樂清人吏部尚書諡忠肅 文天祥文集三十九卷集杜詩四卷 謝枋得

疊山集六十四卷 謝朝唏髮集九卷雜文二十卷宋饒歌鼓吹

曲一卷 周密蠟屐集一卷弁山詩集五卷絕妙好辭七卷蘋洲

漁笛譜一卷 舒岳祥閩風集十二卷 方逢辰蛟峰文集八卷

外集四卷 王炎午吾汶藁十卷 鄭思肖謬愚集一卷文集一

卷 林景熙霽山集十卷 趙孟偁湖山汗漫集 汪元量湖山

類藁十三卷汪水雲詩四卷 趙必瑑覆瓿集六卷 何夢桂潛

山文集十一卷 家鉉翁則堂集 金履祥仁山集六卷 張璠

導江文集 熊禾勿軒集八卷 鄒次陳遺安集十八卷 胡三

省竹素園藁一百卷 毛直方聊復軒藁二十卷治靈藁四卷

方鳳存雅堂集五卷 王鑑月洞吟一卷 字介翁括蒼人縣尉宋亡不仕 趙孟堅彝

齋文編四卷 劉辰翁須谿集一百卷記鈔八卷 汪炎昶詩五

卷 柴望秋堂集三卷涼州鼓吹一卷 汪夢斗北游集一卷

何逢原玉華集 黃公紹在軒集一卷 鄧牧伯牙琴一卷 眞

山民集一卷 劉壘水雲邨藁二十卷補史十忠詩一卷 仇遠

金淵集六卷山村遺集一卷 白斑湛淵文集二十卷詩集二十

卷 戴表元剡源文集三十卷 史公斑蓬廬居士集 李進礪

谷居愧集 敖繼公文集二十卷 劉因丁亥集五卷靜修文集

三十卷樵菴詞一卷 滕安上東庵集十六卷 史蒙卿果齋文

集四十卷 王昌世靜學藁二十卷 字昭甫 鄞人 方回虛谷集桐江續

集三十七卷 蒲壽宓心泉學詩藁六卷 吾邱衍竹素山房詩

集 鄭滁孫文集 俞炎林屋山人藁一卷 董嗣杲廬山集五

卷英溪集一卷西湖百詠二卷 方夔富山遺藁四十卷 字時佐純 安人宋亡

不出 于石紫巖詩選三卷 陳巖九華詩集一卷 黃庚月屋漫

藁一卷 字星父 天台人 衛宗武秋聲集十卷 黃仲元四如先生集五卷

潘音待清軒集 胡次焱梅巖文集十卷 俞德鄰佩章齋文

集十六卷 字宗大永嘉人咸 純進士宋亡不仕 吳龍翰古梅吟藁六卷 字式賢歙人編校 國史宋亡不仕

劉莊孫芳潤藁五十卷和陶詩一卷 信苴福征行集 耶律鑄

雙溪醉隱集雙溪醉隱樂府 陳祐節齋集 張宏範淮陽集一卷

詩餘一卷 王惲秋澗大全集一百卷 閻復靜軒集五十卷內

外制集 王旭蘭軒集十六卷 李之紹果齋文集 高文簡公

文集七卷 焦養直彝齋存藁 許謙白雲先生集四卷古詩一

卷 趙文青山集三十卷 胡長孺瓦缶集南昌集甯海漫草

顏樂齋藁石塘文集五十卷 胡祇遜紫山先生大全集六十七

卷 尤玘歸閒堂集 程鉅夫雪樓集三十卷 趙孟頫松雪齋

集十卷別集一卷續集一卷 何中知非堂藁六卷知非外藁十

六卷太虛集十六卷 陸文圭牆東類藁二十卷 劉詵桂隱文

集四卷詩集四卷 蕭剡勤齋文集十五卷 同恕架菴先生文

集三十卷 張立道效古集 張伯純養蒙先生集 韓諤五雲

書屋彙六卷字致用紹興人 韓性五雲漫彙十二卷 陳思濟秋岡

先生集 申屠致遠忍齋行彙四十卷 商琥彝齋文集十卷

陳櫟定宇集十六卷別集一卷 胡炳文雲峰集二十卷 任士

林松鄉文集十卷 楊漢英桃溪內外集六十二卷 宋衙柘山

集十卷 黃叔英文集二十卷 姚雲文江村近藁二十卷 武

伯威詩集宣德人汾西縣尹 姚燧牧菴文集五十卷 盧摯疏齋文集

鄧文原內制集素履齋藁巴西集 貢奎雲林集六卷附錄一卷

燕公楠五峰集 曾德裕小軒初藁 袁易靜春堂集靜春詞

一卷 馬潤樵隱集 安熙默菴集五卷 元淮金罔集一卷字國

泉崇仁人深陽總管 吳師道禮部集二十卷 盧亘待制詩集一卷 熊朋

來豫章集三十卷 宇文公諒折桂集觀光集辟水集以齋行藁

玉堂漫藁越中行藁 梁學士詩集曾 陳孚觀光藁一卷交州

藁一卷玉堂藁一卷附錄一卷 馮子振受命寶賦一卷 陳益

稷安南集 何得之詩一卷 鮮于樞困學齋集 宋无翠寒集

六卷吟嚙集一卷靄迺集鯨背吟一卷 潘昂霄蒼崖類藁漫藁

王弈玉斗山人集三卷梅巖雜詠七卷東行斐藁三卷字伯敬玉山人

何榮祖大畜十集載道集 吳澄支言集一百卷文正集一百二

卷私錄二卷 王約潛邱藁三十卷 郭昂野齋集 黃鎮成秋

聲集四卷 席郁文集字士文元城人監察御史 趙淇太初紀夢集 陳仁子

牧萊脞語十二卷二藁八卷 秦起宗御史奏議一卷 陳

允平西麓詩藁一卷蛸鳴藁一冊 朱晞顏瓢泉吟藁五卷字景淵長興人

瑞州監稅 郭鏗梅西先生集 范晞文約莊廢藁字景文錢塘人江浙提學 王義山

稼村類藁三十卷字元高豐城人江西儒學提舉 艾性夫剩語二卷字天謂撫州人江浙儒學提舉 張

觀光屏巖小藁一卷字直夫東陽人 楊公遠野趣有聲畫一卷字叔明歙人 龔

元書 卷二十一 藝文志下 六

璠存悔齋藁一卷補遺一卷 尹廷高玉井樵唱三卷字仲明 遂昌人 王

都中本齋詩集三卷 袁士元書林外集七卷 李孟秋谷集

劉敏中中菴集二十五卷 曹伯啟漢泉漫藁十卷續藁三卷

徐毅奏議五卷詩文三卷 耶律希亮懋軒集三十卷 程端禮

畏齋集十卷 程端學積齋集五卷 熊本舊雨集五十卷 曾

巽申明時類藁超然集二卷 陳深甯極先生詩四卷東游小藁

李鳳西林集 龍仁夫文集 劉岳申中齋集十五卷字高仲吉 水人泰和 武恪

官判 陳普石堂先生遺集二十二卷 貫雲石酸齋文集 武恪

水雲集 張養灝歸田類藁二十四卷附錄一卷雲莊集四十卷

雲莊休居自適小樂府一卷年譜一卷 蘇天爵詩藁七卷滋溪

文藁三十卷松廳章疏五卷 虞集道園學古錄五十卷道園類

藁道園遺藁六卷續藁三卷翰林珠玉六卷道園樂府一卷 馬

祖常石田先生文集一十五卷章疏一卷 元明善清河集三十

九卷 曹元用超然集三十三卷 敬儼詩文集 李朮魯翀菊

潭集六十卷 袁桷清容居士集五十卷致亨集三十七卷 王

士熙江亭集 宋本至治集四十卷 宋駿燕石集十五卷附錄

一卷 湯剛中霜月齋集四十卷 范梈詩集七卷 楊載詩集

八卷集古詩二卷 揭傒斯文安公集五十卷揭文一卷詩三卷

文粹一卷文續錄二卷秋官集 黃潛日損齋藁三十三卷文獻

公集四十三卷 吳萊文集六十卷淵穎集十二卷 柳貫文集

二十卷別集二十卷 王沂伊濱集二十四卷 歐陽原功圭齋

文集十五卷附錄一卷 陳旅安雅堂十四卷 趙偕寶峰先生

文集 孟待制文集名昉字天 暉西域人 李材詩一卷 梁益三山藁 李

元書

卷二十三下

藝文志下

七

卷 雷機龍津龍山鄭川環中黃鶴磯梅易齋碧玉環七藁 虞

樂文集 李存侯庵集三十卷 傅汝礪文集十一卷附錄一卷

詩集八卷 丁復檜亭集九卷 劉將孫養吾齋集三十二卷

徐明善芳谷集二卷 陳宜甫秋巖詩二卷 周權此山集四卷

周才吳塘集 衛培過耳集十卷字南深 岷山人 李季高蓉月集 盧

觀草翠軒文藁樂府聲調集 王珪山居幽興集 黃錫孫穀山

集 虞薦發薇山文集二十卷 袁衰臥雪齋文集 劉麟瑞昭

忠逸詠五卷 張範蓬窗集益齋旅齋二集 劉曜淵泉集二卷

字宗起 安成人 沈夢麟花溪集字昭原 湖州人 王毅木訥齋文集五卷字剛 叔龍

泉人 華幼武黃楊集三卷補遺一卷字彥清 無錫人 馬慶醉漁集草堂

集字公振 崑山人 劉清叟立雪詩藁一卷 陸厚古漁唱 劉岳東

厓小藁字公泰 吳人 蒲道源閒居叢藁二十六卷字德之與元人 陝西儒學提舉 湯彌昌

碧山類藁湘江權歌 俞遠豆亭集字之近 江陰人 強珥嘉樹堂集字彥栗 嘉定人

趙質翁覆瓿集 洪德章軒渠集名廣虎 莆田人 侯克中艮齋詩集一

十四卷 郭豫亨梅花字字香二卷 黃玠弁山小隱吟錄二卷

字伯成 慈鄉人 陳植慎獨叟遺藁字叔方 深子 陳時登述藁三十卷 秦輔之

忠孝百詠 湯炳龍北村集 史伯璿牖巖遺藁 羅志仁薊門

行倦游集 王泰亨康莊文集平陽人 平 朱德潤存復齋集十卷

字澤民 岷山人 張之翰西巖集二十卷字周卿 邯鄲人 松江知府 周應極拙齋集二十

卷字南翁 鄱陽人 陳泰所安遺集一卷字志同 茶陵人 龍泉主簿 吳炳待制集一卷

洪焱祖杏庭摘藁一卷 周南瑞江西老圃集 李京鳩巢漫藁

郭天錫快雪齋集 揭佑民盱里子集廣昌人 邵 武經歷 唐元筠軒集

五十卷 瞻思文集三十卷 迺賢金臺集二卷 方道齋愚泉

詩集十卷 王結文忠文集十五卷 張起巖華峰漫藁華峰類

元書 卷二十三下 藝文志下

藥金陵集 李河文集四十卷 干文傳仁里漫藁 黃清老樵

水集 朱文選葵山文集字原道莆田人泉州總管 李侑孫霽峰文集二十卷

字南山南海人黃巖判官 程珣柳軒退藁十卷字春輔眉州人 馬瑩歲遷集四十卷雜

文十一二卷字仲珍建德人 吳福孫樂善齋集 吳瞰青城集二十卷 支

涓興龍溪詩集長海人四川參政 王士元拙菴集平陽人崇文少監 吳存月溪詩

集字仲退鄱陽人本縣主簿 安思承竹齋詩集臨州人山東廉訪使諡貞肅 林泉生觀瀾集一

卷覺是先生文集二十卷 王儀文集鄆州人西漢御史 熊西父瞿梧集

陳廷言貽笑集二卷江湖詩品二卷集賢侍講 周文孫菴溪文集

三卷字以立吉水人 李庸詩集五卷宮詞一卷字仲常東陽人杭州錄事 李序細縑集

字仲修東陽人 程養全白粥藁字子正德興人鉛山判官 陳景仁愛山詩藁 楊益隨

軒詩 曹慶孫副墨東山高蹈集字繼善華亭人純安教諭 孫澈淡

一卷字時翁永豐人 王堦雲中藁雲屋藁 韓信同遺書二卷 曹仲楚

詩文講義二卷新安人 楊顯夫水北山房集南昌人 林善同泉山

文集二卷泉州人 龔道源雲山夜話集字士元新建人 吳景南南窗吟藁

四卷 柴潛道秋巖小藁 壺叟樵雲集字怡樂烏程人 徐夢吉琴餘雜

言 陳顯曾思雨軒藁 鄧舜裳鄧林樵唱 王安民管斑集

蕭居仁石潭漁唱 唐懷德存齋雜藁 方樸方壺集二卷 吳

鎮梅花道人遺墨 葉廣居自得齋集 方澄心烏山小藁 劉

霖雲章集 劉應登耘廬集 王天覺覺軒集 王文澤自立齋

集十卷 陳方谷陽集 孟斌不二心藁 楊如山淮海集十卷

俞希魯聽雨軒集二十二卷 高皓孫屠龍集十卷字商叟丹徒人 林希

顧觀容齋集二卷字利賓金壇人星子縣尉 汪巽元退密老人詩八卷 陳深

元長林集台州人上虞尹 黃叔美詩一卷名河清盱江人 梁隆吉詩集棟 陳深

源片雲小藁一卷 郭鎬遺安集一十一卷 張植瀘濱集五卷

馬玉麟東皋先生詩集五卷字伯祥海陵人 張昌寓道集十卷 方誼

虎林高隱集五卷附錄一卷錢塘人 徐師賢上饒集吳興集姑孰

集北游錄共十卷 鄭覺民求我齋藁三十三卷字以道鄞人處州教授 鄭

芳叔蒙隱集字德仲鄞人 張慶之海峰文編三卷續胡曾詠史詩字子善吳人

劉應龜山南先生集二十卷字元益義烏人 胡渭雞肋集字景岳諸暨人 蕭國

寶輝山存藁一卷 文子方集矩長沙人太常禮儀院判官 李在明甬山集十卷

翁森一瓢藁字秀卿仙居人 劉邊自家意思集四卷字近道建安人 黃異節菴

集三十卷字民同都昌人 卞南仲溪居集江行集字應午長興人深陽判官 洪震老觀

光集一卷字復翁純安人 鄭洪素軒詩一卷字君舉永嘉人 范霖歲寒小藁一卷

金至善菊逸集字伯明崑山人 王鵬緱山集 張淵心遠堂集吳江人

洪淵環中集十卷豐城人 馮翼翁文集二十卷 葉森瓦釜鳴集

三卷字景瞻錢塘人 俞漢象川集十卷字仲雲諸暨人 邱世良梯雲集六卷字子正錢唐人

慶元治中 汪可孫雲窗法語一卷績溪人 師餘縷裂集一卷字學翁眉州人

陳鐸壯游集八卷字子振吳人 鄭東起自然機籟 朱隱老濤峰精舍

文集字子方豐城人 王仁輔文藁十卷 張敏月山集九卷富平人陝西郎中 蔣

易鶴田集二十卷 何景福鐵牛翁詩集一卷字介夫純安人 徐夢高菊

存藁一卷字明叟純安人衡州教授 柯舉竹圃夢話二卷 瞿孝禎月蕉藁字達

文集十卷 許嗣得靜齋集字繼可天台人 陳柏雲嶠集字新甫泗州人 曹文晦

新山集字輝伯天台人 王炎澤南棧類藁二十卷字威重義烏人石峽山長 曾巖卿南

明齋藁三十卷字務光金谿人 葉謹翁四勿齋藁曲全集字審言金華人瑞安同知 葉

應咸棲閒集字心可麗水人 聞人夢吉詩集二卷字應之婺源人慶元知事 盧克治琴

川集錢唐集字仲微開州人漢陽知府 林全小孤山人集二卷字子貞福州人 丁儼小

元書 卷二十三下 藝文志下

溪集四十卷又小溪寓興十卷 張延文集十卷讀通鑑詩二卷

陳天錫鳴琴集字載之 福甯人 楊舟雞肋集字梓夫 慈利人 翰林待制 趙若澗邊集

二十卷字順之 崇安人 劉聞客窗集十卷太史集六卷 許有王至正集

一百卷圭塘小藁三十卷別藁二卷外藁一卷續藁一卷 呂思

誠文集 王守誠文集 杜本清江碧嶂集 楊少愚秋浦集

楊士宏鑑池秋草集字伯謙 襄城人 司允德西游漫藁字執中 東平人 朱鳳樵唱

集 王茂實清溪山房詩集 朱望樂吾愚詩集字幼望 樂安人 陳子暈

思刻集字象賢 奉化人 易南友梅南詩集 李希說山中小藁 嚴士真

江漢百詠桃溪百詠一卷字正卿 崇陽人 蕭士贊水崖詩集字粹可 贛州人 蕭士

則大山集蕭泰來小山集兄弟新 喻人 祝大明樵隱集 林茂濬白雲

藁 徐基玲瓏窗吟藁 歐陽齊吾環山詩藁 汪宗臣紫巖集

四卷字公輔 婺源人 程樞雲樓野藁 洪希文續軒渠集十卷字汝質 莆田人 汪

澤民巢深集燕山藁宛陵藁 李孝光五峰文集二十卷 柯九

思集一卷 岑安卿栲栳山人集三卷 倪士毅道川集 烏古

孫良楨約齋詩文奏議 成遵文集奏議塞責藁 僧嘉訥崢山

詩集字元卿 廣東 宜恩都元帥 雅琥詩字正卿 也里可溫 人 福建 建寧 同知 胡助純白齋類藁二十

卷附錄二卷字古愚 東陽人 方瀾遺藁一卷字叔淵 莆田人 張仲深詩集六卷

陳鑑午溪集 吳景奎約房樵唱二卷附錄二卷字文可 蘭溪 人 興化 學錄 薛漢

詩集字宗海 永嘉人 潘伯修江檻集字自中 嚴人 甘允從詩立陳 留人 王禎農務

詩一卷字君舉 高郵人 余瑾丹崖夜嘯玉露吟 張天永雪篷行藁滿亭

集字長年 高郵人 王餘慶惺惺道人遺藁 丁泯滄洲集 虞志道雲陽

集 汪漢卿養灝集二十卷字景辰 野人 國子監丞 謝俊臣玉泉集 凌岳古

木風瓢集字山英 華亭人 衛仁近敬聚齋藁字剛叔 華亭人 陸鵬南九峰清氣集

程直方前村吟 江永之雷鐘小藁 唐本道九曲韻語 王

厚孫遂初藁 項壘山中言志前後續集共八卷 字彥高 龍泉人 趙德光

松雲樵唱四卷 桃源舊藁二卷 字子明 龍泉人 包希魯文集十四卷 邱

迪雲麓文藁 盛或歸吳岡藁 字季友 常熟人 曹貞十洲三島詩 字元度 常熟人

王元杰貞白英華集水雲清嘯集 任詔槃園集 盛輿滴露齋

藁 張端溝南漫存集 字希尹 江陰人 江蘇行院都事 姚文奐野航亭藁 字子章 崑山人 邵

亨貞野處集四卷 梅齋臞菴集 余日強淵默叟集 沈右清

輝樓藁 盛應發嘯古集 馮華文集三卷詩五卷 楊俊民滹

川文集 何體仁空谷樵音 楊大雅大隱集 王洪毅齋存藁

吳復雲樵集 夏正餘留藁 時少章所性藁 王寔玉溪集

黃宏穀城藁 林温栗齋文集 林逢龍草堂集 管師復白

雲翁集 徐蘭白鳴集 鳴陽集 金寔覺非集 方有開詩文集

十二卷 胡朝穎靜軒集 吳人龍鳳山集 李關北源先生文

集 陳自新起興集 鄭以道行餘全集 陳信惠中齋文集 字

中晉江人 惠安縣尹 蕭雷龍芳州文集 秘書著 作佐郎 季仁壽春谷文集 章正則

觀海集 林廣三溪集 陳巖九華詩集四卷鳳髓集 號清隱 清陽人 耿

介應言藁 葉瑞遺文四十卷 鄭杓次夾際餘聲樂府 劉有

定詩集八卷泮宮歎一卷 應恂純朴翁藁 字子字 永康人 黎省之詩一

卷 安南人 王德輝先生文集十卷 名明甫 田人 謝宗可詠物詩一卷 許

恕北郭集六卷補遺一卷 陳秀民寄情集 字庶子 温州人 何淑蠖閣集

八卷 字伯善 臨川人 曾仲啟集十卷 王元明達意集十卷 汪文燦居

朝錄明農藁 劉仁本羽庭集十卷 字德元 天台人 浙 江左右司郎中 李士瞻經籍

文集六卷 夏疇北村集 江富陶陶翁文集 汪斌雲坡樵唱

集 汪德馨菊坡集 汪德鈞東湖遺藁 范致大金帚集 牛

處士詩集一卷 許應祁松軒文集 金原舉雲谷集 葛聞孫

元書 卷二十三下 藝文志下 七

環翠山房集 陳玉峰黃山詩集 汪文龍友雲集 汪珍南山

詩集 楊景中鳳山集 王華怡軒文集 任暉東白文集 沈

騰雙清藁 謝震望雲藁 汪逢辰鳴球集 曹涇詩文韻儷藁

五卷 程彌壽仁山遺藁 錢選習懶齋集 薛同孫雨東野人

語四卷 薛燾學箕集三卷 薛明道瑞室藁七卷 徐本原思

刻集 孔克烈雁山樵唱詩集字顯夫 州平陽人 周潤祖紫巖集 鄭弈

夫衍桂堂集 孫庚雪磯集字居仁 慈鄉人 陳觀察蚶集高里集字國秀 奉化人

孫元蒙映雪齋藁字正甫 鄞人 劉希賢餅窩類藁 彭克紹學餘藁

夏洪參邯鄲步 高德進紀夢集十卷 李仲淵宗雅集 余東

卿秦淮權歌 孔肅夫自然亭詩 孔子升潔菴集十二卷 高

賓叔鄭璞集 葛元嘉文集十卷 朱夏鳴陽集 趙雍仲穆遺

藁 張樞敞帚編 杜本彝文集四十卷安陽人 集賢大學士 張翥蛻菴集

四卷蛻菴樂府三卷 沙刺班學齋吟藁 卷 成廷珪居竹軒

集四卷 胡天游傲軒吟藁一卷 甘復山窗餘集二卷 黃公

望大癡道人集 詹從朴奎光集 黃竝留皮藁 劉錫中鶴集

汲清集 歐陽弇鳳山集 劉執中鳴皋集 龍雲從魚軒集字

高虛陵人 黃堅遜世遺音一卷字子貞 豐城人 朱嗣榮燹餘集字文昌 金谿人 胡山

立清嘯前後集 鄭士亨東游集 熊太古燹餘集熙真集 劉

君賢昌雱集改姓袁字文定 雱都人 呂不用得月藁六卷 陳宜孫弗齋集

汪松壽鏡江集 陳樵鹿皮子集四卷 貢師泰玩齋集十卷拾

遺一卷 程文黟南生集三十八卷蚊雷小藁四卷師意集 盧

琦圭峰集二卷 楊允孚灤京雜詠一卷 耶先忽都詩集十卷

劉鶚惟實集四卷外集一卷 郭翼林外野言二卷字義仲 岷山人 徐

陽集十卷 錢惟善江月松風集十二卷 周霆震石初集十卷

丁鶴年海巢集一卷哀思集一卷方外集一卷續集一卷 吳

皋吾吾類藁三卷 張憲玉筒集 舒遠莊窗遺藁一卷 張光

祖唱和集 葉景南樵雲獨唱六卷 呂誠來鶴亭集一卷補遺

一卷番禺藁一卷既白軒藁一卷竹洲歸田藁一卷 周巽性情

集六卷 胡行簡樗隱集六卷 程從龍梅花詩 字登雲 嘉魚人 董養性

高閒雲集 沈貞茶山集 字元吉 長興人 曹志拱和集 字伯康 金華人

陸友把菊軒藁 朱良實松陵續集漁唱藁 陳樸味道編雲

軒集 陸仁乾乾居士集 字良貴 崑山人 周文英庭芳集 王立中息齋

寓齋樾隱三集二十卷 字彥強 遂甯人 松江知府 顧輝守齋類藁三十卷 字德經 邠人

韓奕山人集 李繼本一山文集九卷 秦不華顧北集 余

闕青陽山房集六卷附錄二卷 劉耕孫平野先生集 黃殷士

詩一卷 丹 楊居愛齋藁 王彥高集十卷 陳尙簡靜庵詩集

華璫閒養詩集 吳獻雲濤翠藁 楊維楨東維子集三十卷

附錄一卷鐵崖樂府十卷樂府補六卷復古詩集六卷麗則遺音

四卷 倪瓚清閼閣集十二卷 顧瑛玉山璞藁一卷 鄭元祐

僑吳集十二卷 郊韶雲臺集 金涓青邨遺藁一卷 舒頔貞

素齋集八卷附錄一卷 謝應芳龜巢集十七卷 趙友桂南泉

藁 王儀菟庵文集 朱南強鮑醜藁 馮勉士苴集 李琛確

軒集 陳可齋集二十卷 羅庭震武當紀勝集一卷 王禮麟

原文集二十四卷 魯貞桐山老農文集四卷 郭鈺靜思集十

卷 陳高不繫舟漁集十二卷 張昱可閒老人集四卷 王逢

梧溪集七卷 戴良九靈山房集三十卷 朱希晦雲松巢集三

卷 吳主一詩草 純志 黎仲基瓜園集十卷 楊嗣佩玉齋類藁

十卷 吳簡守約齋集月潭詩集 周伯琦近光集三卷扈從詩

一卷 吳當學言詩藁六卷 吳訥萬戶詩集五卷 貢性之南

湖集七卷 王翰友石山房遺藁一卷 吳海聞過齋集八卷

吳會書山遺集三十卷 字慶伯金裕 人入明不仕 梁寅石門集七卷 宋禧庸

菴集十四卷 字無地後姚 人繁昌教諭 鄧雅玉筍集 字伯言三人皆 明初被召放還 張玉娘蘭雪

集 鄭允端肅雍集一卷 字正淑平江 施伯仁妻 邱處機長春子藁福溪

集六卷 尹志平葆光集三卷 姬志真雲山集十卷 吳全節

看雲集二十六卷 馬臻霞外集十卷 雷思齊詩文二十卷和

陶詩三卷空山漫藁 譚處端水雲集三卷 孫德或希濟集

吳元初元元贅語 龍虎山 道士 張雨句句曲外史集三卷補遺三卷集外

詩一卷 查居廣學詩初藁一卷 臨川 道士 朱本初貞一藁 字慶居臨 川道士

楊至質勿齋集 開阜山 道士 薛元曦上清集 字元卿龍 虎山道士 于立會稽外

史集 黃石翁松瀑藁 字可玉廬 山道士 席應真金薤藁 王先生草堂

集 號白 雲子 鄭守仁蒙泉集 黃巖 人 釋溥光雪菴長語 字元輝 大同人 文珣

潛山集 杭州 僧 居簡北磻集十卷 字敬叟淨慈 光孝寺僧 道琛柳塘外集四卷

字無文薦 福壽僧 釋英白雲集三卷 字存質 錢塘人 善性谷響集一卷 字無住 吳人 圓

至牧潛集七卷 契嵩鐔津集二十二卷 字仲靈靈 隱寺僧 大訥蒲室集

十五卷 克新雲廬藁一卷 正則溪香集 大圭夢觀集五卷

字德白 晉江人 法住幻庵詩一卷 祖柏不繫舟集 字子庭 四明人 明本懷淨土

詩一卷梅花百詠一卷 行端寒拾里人藁 字景元 徑山僧 僧益山居詩

一卷 字術堂 奉化僧 有貞平山詩集 清瑛石屋山居詩二卷 惟則師

子林別錄 字天如 吳郡僧 至仁澹居藁 景洙翠屏集 番陽 僧 寶存白雲

集 錢唐 人 祖銘古鼎外集 元長和智覺擬寒山詩一卷 廷俊

泊川文集五卷 字用章 樂平人 允中雲麓文藁 餘澤長春集雨花別集

元書 卷二十三下 藝文志下

字天泉天竺寺僧

宗衍碧山堂集字道源嘉興僧

無照臥雲集 楚琦楚石集

右集

真德秀文章正宗 陳思雨宋名賢小集 陳起江湖集 元好

問唐詩鼓吹中州集中州樂府 房祺河汾諸老詩集八卷 郝

經原古錄唐詩近體詩選 吳潤月泉吟社一卷 謝朝天地間

集五卷 劉辰翁古今詩統六卷 毛直方詩宗羣玉府三十卷

金履祥濂洛風雅七卷 熊禾詩選正宗 裴良輔十二先生

詩宗集韻二十卷字師聖 鄭淵孫義陽詩派 方回文選顏謝鮑

詩評四卷瀛海律髓四十九卷 仇遠批評唐百家詩選 陳謙

西漢文類 陳仁子文選補遺四十卷 黃景昌古詩攷錄 周

南瑞天下同文集五十卷 王玠唐詩選 楊士宏唐音十四卷

五卷宋南渡諸家詩一卷 吳福孫古文韻選 吳宏道中州啟

贖四卷字仁卿蒲陰人 趙景良忠義集七卷字秉善南豐人 古文集成七十八卷

名公書判清明集十七卷 古今大成詩選正宗二十卷 傅

習孫存吾編集元詩前集六卷後集六卷習字說卿清江人存吾字如山廬陵人 曾應

奎元詩類選四卷 蔣易皇元風雅三十卷字師文建陽人 宋褰皇元風

雅八卷 蘇天爵國朝文類七十卷 陳士元武陽耆舊詩宗一

卷 梁有文海英爛二百卷 柳貫金石竹帛遺文十卷 吳萊

樂府類編一百卷 楚漢正聲二卷 李康桐江詩派 方道聲

唐律體格一冊 孫元理元音十二卷 賴良大雅集八卷字善高天公只人

劉履風雅翼十二卷字世之上虞人人明不仕 鄭元善三衢文會一卷 徐

達左金蘭集三卷字良夫吳人 黃應和華川文派錄六卷 東甌遺芳

集 揭傒斯吳氏天爵堂類編十卷 左克明古樂府十卷 繆

思恭等至正庚辛唱和集 周砥馬治荆南唱和集一卷 許有

王圭塘款乃集三卷 汪澤民宛陵羣英集十二卷 鄭太和麟

溪集十卷 楊維禎等西湖竹枝詞一卷 顧瑛玉山名勝集八

卷外集一卷 草堂雅集十三卷 玉山紀游一卷 王禮長

留天地閒集 高德進自得齋類編 韓諤魏國家集十二卷類

編名人詩文八卷尺牘一卷 段克己成已二妙集八卷 菊莊

樂府一卷 遊齋樂府一卷 柴氏四隱集三卷 繡川二妙集

傅雅字景文陳堯道字景明俱黃州人 蘇臺四妙集 高常陳祖湯仲友陳逢 徐氏雙桂集 伯樞衍無錫人

鄭氏聯璧集 東采溫州人 元音遺響十卷 元遺民胡布張達劉紹詩 薛氏聯芳集 英

蕙英吳人 送張吳縣經官嘉興詩一卷 送張府判詩一卷 良常草堂圖

詩一卷 贈王慶端賜雕玉杖詩三卷 先天觀詩一卷 浦江

縣宰廉阿甘棠集一卷 運使復齋郭公敏行錄一卷 邱處機

等勞山仙蹟詩一卷 呂虛癸瀛海紀言十七卷 字與之秦化道士 張雨

師友錄 釋壽甯靜安八詠詩集 上海靜安寺僧

右總集 鄭當時羣書會要 泰和編類陳言文字二十卷 祝穆事文類

聚前集六十卷後集五十卷續集二十八卷別集三十二卷 錦

繡萬花谷前集四十卷後集四十卷續集四十卷 劉應李翰墨

大全一百二十五卷 字希必建陽人宋主簿 潘自牧記纂淵海一百卷 字牧之金華人

知龍游縣 王應麟玉海二百卷 詞學指南四卷 林駟源流至論前

集十卷後集十卷續集十卷 字德顯南德人 黃履翁源流至論別集十卷

字吉 章如愚山堂考索二百十二卷 字俊卿金華人知貴州 楊伯崑六帖

補二十卷 謝維新古今合璧事類備要前集六十九卷後集八

十一卷續集五十六卷別集九十四卷外集六十六卷 字去咎建安人 周

剛善六藝類要六卷 潘迪格物類編 舒天民六藝綱目四卷

高恥傳羣書鈎元十二卷 張諒經史事類書澤三十卷 錢

縉萬寶事山二十卷 萬寶書山之十八卷 凌緯事偶韻語 俞

希魯竹素鈎元三十卷 吳輔丹旃獨對十卷 虞韶小學日記

故事十卷 白珽經子類訓二十卷 集翠裘二十卷 居家必用

事類十卷 唐懷德破萬總錄一千卷 鈎元集若干卷 陳世隆

藝圃蒐奇二十冊 富大用古今事文類聚新集三十六卷 外集

十五卷 字時可 南江人 祝淵事文類聚遺集十五卷 劉莊孫楚辭補旨

音釋 王繪注太白詩 孫鎮注東坡樂府 元好問杜詩學一

卷東坡詩雅二卷 劉辰翁評點杜工部詩二十卷 精選陸放翁

詩八卷 蔡夢弼草堂詩箋 草堂詩話 申屠致遠杜詩纂例十

卷 傅若川杜詩類編三卷 曾巽申韻編杜詩十卷 補注元遺

山詩十卷 虞集文選心訣一卷 杜律訓解二卷 范梈選李翰

林詩四卷 杜子美詩六卷 詩林要語一卷 蔡正孫詩林廣記前

集後集 吳師道注絳守居園池記一卷 禮部詩話一卷 胡炳

文注朱子感興詩一卷 俞浙杜詩舉隅 韓文舉隅 字季淵 會稽人 劉應

登杜詩句解 黃鍾杜詩註釋 劉霖杜詩類注 楊齊賢蕭士

贊分韻補注李白詩二十五卷 王沂陶集注 杜本谷音

徐舫唐詩通考 釋圓至唐詩說二十一卷 詹若麟注陶淵明

集十卷 唐仲英陸宣公文集精華一卷 陳秀民東坡文談錄

一卷 東坡詩話三卷 慶元人 羅椅放翁詩選十卷 釋慶閒注范

成大田園雜興詩一卷 字無逸 吳人 魏道明鼎新詩話 范晞文對牀

夜話五卷 字景文 錢塘人 眞德秀文章軌範 吳子良荆溪林下偶談

王構修詞鑑衡二卷 潘昂霄金石例十卷 盧摯文章宗旨

元書 卷二十三下 藝文志下

陳繹曾文說一卷文筌八卷古文矜式二卷翰林要訣字伯敷處州人國子助教

李塗古今文章精義二卷 陳時登文章原委古詩訂義感興

詩講義 馮翼翁古文要旨八卷 虞廷碩古賦準繩十卷 祝

堯古賦辨體八卷外集二卷 魏慶之詩人玉屑字醇甫建安人 傅汝礪詩

法源流三卷 俞遠學詩管見一卷 徐駿詩文軌範二卷 高

若虎渤海詩話字仲容安福人 陳德固唐溪詩話 章安居梅磻詩話

曹涇雜作管見 品第法書名畫記五百五十卷 李肯堂西溪

法帖 李溥光雪庵字要 袁哀書學纂要 蘇霖書法鉤元

劉惟志字學新書七卷 唐懷德書學指南 繆貞書學明辨

吳氏法書類要二十五卷 盛熙明法書考八卷 朱珪名蹟錄

六卷 華光和尚梅譜一卷 李衍竹譜十卷 劉美之續竹譜

一卷 黃公望寫山水訣一卷 饒自然山水家法一卷 字太虛自號玉笥山

人 王繹寫像祕訣采繪法一卷 字思善錢塘人 湯屋畫鑑一卷 莊肅

畫繼餘譜 夏文彥圖會寶鑑五卷 周密雲煙過眼錄四卷

湯允謨雲煙過眼續錄一卷 張雲書畫補逸 趙孟頫印史二

卷 申屠致遠集古印章二卷 陸友印史墨史二卷硯史 吳

福孫古印史一卷 吳獻集古印譜 嚴德甫元元集 通元集

清遠集 清樂集 幽元集 機深集 增廣通遠集 忘憂

集 楊維禎除紅譜一卷 梓人遺制八卷 陳翼子重修考古

圖十卷 朱德潤古玉圖一卷 陳敬香譜四卷 費著蜀錦譜

一卷 蜀箋譜一卷 白璞天籟集二卷 字仁甫真定人金亡不仕 黃機竹齋

詩餘一卷 字幾仲東陽人 高觀國竹屋癡語一卷 史達祖梅溪詞一卷

曾慥樂府雅詞四卷 黃昇散花菴詞一卷花菴詞選二十卷

字叔 張炎山中白雲詞八卷樂府指迷二卷 蔣捷竹山詞一

卷 字勝欲宜興人宋亡不仕

朱淑真斷腸詞一卷

南北九宮譜十卷

南北

宮詞十八卷

關漢卿北曲六十本

丹邱子太和正音譜十二

卷 周德清中原音韻一卷

號桂齋高安人

葉宋英自度曲譜

楊朝瑛

朝野新聲太平樂府九卷

趙粹夫陽春白雪集

仙音妙選

曲海 樂府混成集一百五冊

中州元氣十冊

百一選曲

樂府羣珠 樂府羣玉

天機餘錦

天機碎錦 片玉珠璣

羣英詩餘 詞學蹄筌

詞話總題

詞品 傅仲淵笙鶴清音

王沂孫碧山樂府一卷又花外集二卷又樂府補題一卷

陳

允平日湖漁唱二卷

馮華樂府一卷

彭致中鳴鶴餘音

沈

禧竹莊詞一卷

字廷錫湖州人

張埜古山樂府

字埜夫邯鄲人

喬吉惺惺老人樂

府 張可久小山小令二卷

汪元亨小隱餘旨一卷

雲林清

賞一卷 無名氏自然集一卷

鳳林書院詞選二卷

陳良弼

花草類編十二卷

陸輔之詞旨一卷

右諸藝

論曰元國人不好儒術而作為文章其書滿家何文翰之彬彬也
易火在天上曰大有帝王之文明也天下有火曰同人土君子之
藻飾也同而異與異而同一也土敦氣誼而無門戶則文興於下
矣自邪說昌而論著雜一時之風氣遂釀為浸天之巨禍則其興
也不如其已也故白賁无咎此之謂也

元書卷二十三下



金盛輝

刊

衡陽聶溶泉

門人曾協襄校

門人曾士琮詳校

元書卷二十四

邵陽曾廉譔

食貨志第九

食貨之興蓋在於神農之世易曰斲木爲耜揉木爲耒耜之利以教天下蓋取諸益日中爲市致天下之民聚天下之貨交易而退各得其所蓋取諸噬嗑此其權輿也而尙書皋陶謨載禹之言曰洪水滔天下民昏墊予乘四載隨山刊木暨益奏庶鮮食予決九川距四海濬畎澮距川暨稷播奏庶艱食鮮食懋遷有無化居烝民乃粒萬邦作乂竊謂此遭洪水之患天下皆敝於巨流洪浸不能如炎帝之舊故其時水鬱惟草山鬱惟木禹與益開險阻烈山澤而鳥獸羽毛之內繁焉泊夫地平天成稼穡惟寶然小民猶艱難以爲食也而水族滋多魚蛤鱗介之屬助穀食者且半於是

飽飫勤動百物充足而後積聚豐盈有無通矣自是以後公劉遷徙囊橐餼糧見於詩歌箕子陳範食貨列於庶政周人重農政取民者貢徹助兼行而前朝後市以商通貨以賈易物貨實於金利於刀流於泉布於布束於帛此其所爲懋遷化居者也漢唐以來航海萬里市舶流通市肆珍石香木陳於宮府矣元興自龍沙以肉食爲宗蓋游牧之國地多水草宜畜牧牛羊駝馬在谷滿谷在山滿山師行所至亦以漁獵爲生水取魚鼈陸掠牛馬故能萬里不齋糧而無飢餒之患蓋鮮食之遺也食用既樸風俗亦厚大抵人魁岸壯猛而善騎射故能精強力戰所向無敵非其人異亦堅樸之效也入中土旣久食稻衣錦筵備水陸之品堂室所陳設必有地衣壁帶金玉以爲酒器異珠名寶以爲婦人之飾於是純風衰市道盛矣故其始世祖以謝仲溫捕魚於江大被獎勵其後畿

輔不能興水利而以東南之粟漕京師天子且以龍衣御酒屈意盜賊何則食貨不備不足以自資給於是民貧而國瘁矣然其綜理權度所以足民贍用亦立國之經也前史言其出入之制一曰經理二曰農桑三曰稅糧四曰科差五曰海運六曰鈔法七曰歲課八曰鹽法九曰茶法十曰酒醋課十有一曰商稅十有二曰市舶十有三曰額外課十有四曰歲賜十有五曰俸秩十有六曰常平義倉十有七曰惠民藥局十有八曰市糴十有九曰賑恤具著於篇余謂元代經理未足以爲政也其植之於民者曰農桑其行之於國者曰鈔法其稅糧科差海運歲課鹽茶酒醋商稅市舶額外所謂入也歲賜俸秩惠民賑恤所謂出也市糴常平則上下通有無也余以海漕入河渠志歲賜絲鈔入寶宇志俸秩入職官志賑恤各備本紀而統計其成焉元初官吏多厲政自私貲至鉅萬

而官無儲備太宗始定蒙古西域漢人賦算事具本紀尋太宗伐金命給平陽民牛具並關中人民墾地河東然國人猶欲空漢人田宅以爲牧地也耶律楚材爲立徵收稅課所而議始息當時歲凡銀五十萬兩帛八萬匹粟四十餘萬石太宗大悅未幾稍增百一十萬未幾奧都剌合蠻撲買至二百二十萬矣其時方定中原斷事官忽都忽料民括戶詔曰賦稅悉倣唐租庸調之法量土地之宜大朝開創之始宜務從寬大遂定科徵之法地稅中田二升有半上田三升下二升水田五升丁稅始每丁科粟二石增至四石後定民戶成丁者每歲一石驅丁五斗工匠僧道驗地官吏商賈驗丁歲書其數於冊由課稅所申省以聞此謂稅糧以爲之賦太宗因欲裂土分封親王功臣耶律楚材曰此嫌隙所生也不如多以金帛與之太宗曰已許奈何楚材曰若朝廷置吏收賦使無

擅科徵可也於是遂定歲賦每二戶出絲一斤以給國用每五戶出絲一斤以爲親王功臣湯沐此謂科差以爲之役未幾憲宗立又定包銀之法戶以二兩輸銀以二兩折收絲絹顏色矣然其時張晉亨卽言五方物產各異民難盡責輸銀語在嚴實傳其後世祖卽位知農桑爲王政之本也乃首詔天下國以民爲本民以食爲本食以農桑爲本乃立司農司專管農桑水利仍分布勸農官及知水利者巡行郡邑察舉勤惰所在牧民長官提點農事歲終第其成否申司農司及戶部秩滿之日注於解由戶部照之以爲殿最又命提刑按察使加體察焉其制村疇凡五十家立一社擇高年曉農事者爲之長增至百家則別設長一人凡種田者立牌檄書某社某人於其上社長以時點視勸戒不率教者籍以授提點官責之其有不敬父兄及凶惡者亦然仍大書所犯於門改乃

毀不改則罰充夫役疾病凶喪則社中助之凡爲長者復其身郡縣不得以社長與科差事又立提舉河渠官爲之濬治兼命之造水車鑿井或種區田以備亢旱又令民每歲種桑棗二十株雜木十株或種榆柳皆隨其土所宜又令各種苜蓿以防飢稔近水之家又許鑿池養魚鵝鴨及種蒔蓮芡蒲葦等以助衣食凡荒閒之地悉以付民其後高唐州官以勸耕秩河南陝縣尹以惰降職而農民勸矣數年大司農言中書移文以畿內秋稼始收請禁民覆耕恐妨芻牧帝以農事有益詔勿禁是時遂重定戶籍稅則地稅定爲每畝粟三升丁稅元管全科戶定每丁粟三石驅丁一石減半科戶每丁輸全科三分之一新收交參戶丁一歲五斗累增至六歲如全科之數協濟戶丁每歲如減半科之數而隨遠近輸倉貧者輸近倉富者輸遠倉每石折納輕賚鈔二兩鼠耗三升分例四

升科差全科戶定爲每戶歲輸絲一斤六兩四錢包銀四兩五戶絲戶歲輸官絲一斤五戶絲六兩四錢而包銀同官戶減半科戶官絲五戶絲包銀皆半之而其餘又有止納絲戶止納鈔戶攤絲戶納絲戶漸成丁戶戶名繁多輸納參差不可縷舉也絲銀外又有俸鈔之科其法亦以戶之高下爲等於是合科之數作門攤分爲三限輸納被災之地許輸他戶而儒士及軍站僧道等皆不與焉其後又以江南戶鈔分食諸王貴戚功臣循太宗之舊也其山林川澤之產若金銀珠玉銅鐵水銀朱砂碧甸子鉛錫礬硝鹽竹木之類皆有提舉司或總管府收其歲課其產地皆具於寰宇志中而阿合馬以言利進議增鹽課並興鼓鑄以農器易粟遂立尙書省人皆言其挾宰相權爲商賈罔羅天下大利矣又自元初承宋金之法行用交鈔太宗始命更造王文統事世祖在相位遂

以絲爲本而造交鈔每銀五十兩易絲鈔一千兩物值並從絲例是歲復造中統元寶交鈔以十計者四以百計者三以貫計者二每一貫同交鈔一兩兩貫同白銀一兩其昏爛者倒換之文統既誅遂詔天下立平準庫以均物價通利鈔法其後又立市易庫於諸路掌市易諸物然阿合馬惟炫致富之術以動天子而人言不恤也初元以酒醋鹽稅河泊金銀鐵冶取課於民而天下大利莫如鹽其次則酒醋及茶而倉庫院務官司總名曰商稅又有額外課凡三十有二曰秣日契本河泊山場窑冶房地租門攤池塘蒲葦食羊荻葦煤炭撞岸山查麴魚漆醇山澤蕩柳牙例乳牛抽分蒲魚苗柴羊皮瓷竹葦薑白藥又取回易之利曰市舶自中統定鹽法既平宋阿合馬請於南京等路籍藥材發鹽十二萬斤官自貿易又收宋交會而頒行鈔法於江南惟雲南行交會貳子貳者

貝也貳以一爲莊四莊爲手四手爲苗四苗爲索或以索爲橐二十索始值金一錢云尋又立榷茶都轉運於江州又請諸路立都轉運司增收課程官吏至用五百餘人陳巖范文虎且言其擾民並侵盜官錢矣阿合馬死盧世榮繼之遂立規措所始曰整治鈔法歲可增三百萬錠不取於民其議在本傳亦非不動聽也其後術不售而爲陳天祥所論事在天祥傳世榮誅死天子以張瑄朱清能治海漕拔爲萬戶賜印鈔富遂敵國明年桑哥爲尙書平章政事遂改造至元鈔自一貫至五十文凡十有一等每一貫當中統鈔五貫每花銀一兩入庫價至元鈔二貫出庫二貫五分赤金兩十之益以元寶交鈔行之既久物重鈔輕故也而時詔集百官於刑部議法眾欲計至元鈔二百貫爲滿賦趙孟頫言米絹二實銀錢二虛鈔又出於不得已當以絹計賦爲允且若以鈔論二十

年後至元鈔又必如中統矣語在孟頫傳然桑哥遂毀中統鈔板
合稅賦並輸至元鈔其時益增茶鹽課又置瀾東江東江西湖廣
福建木綿提舉司歲責民納木綿十萬匹又置徵理司遣使四出
鉤考天下錢穀於是剝及窮檐已徵者數百萬未徵者尙數千萬
民自殺者相屬逃山林者則發兵捕之程鉅夫遂上言尙書純以
剝割生民爲務所委任者率皆貪饕邀利之人江南盜賊以故竊
發矣其後桑哥誅木綿提舉司及鉤考錢穀並罷行大司農燕公
楠翰林承旨留夢炎言泉州上海澈浦溫州廣東杭州慶元市舶
司凡七所上海等皆十五取一獨泉州三十取一今宜依泉州爲
定制而以溫州併入慶元杭州併入稅務凡金銀銅錢鐵貨男女
絲綿段匹銷金綾羅米軍器皆不得私販下海違者罪之逾年而
世祖崩成宗立詔諸路平準交鈔庫所貯銀九十三萬六千九百

五十兩除留十九萬二千四百五十兩爲鈔母餘悉運至京師明
年詔以農桑水利諭中外而括江南田定徵江南夏秋稅之制秋
稅以租夏稅以木綿布絹絲綿等物益倣唐之兩稅而湖廣初依
中原例改夏稅爲科門攤至是併徵夏稅而重罹其害矣大德元
年括田令罷又罷妨農之政又禁諸王駙馬毋奪民田其獻田者
有刑明年中書省臣奏每歲金銀鈔幣出入之數帝因是爲罷中
外土木之役然自是國用日寢廣矣武宗卽位淮西廉訪使僉事
苗好謙獻蒔桑法行之其時皇子和世疎言括河南歸德汝甯境
內瀕河荒地可六萬頃請立總管府歲收其租省臣言亦馬罕妄
稱省委括地以有主之田俱指爲荒所至騷動方議其罪遇赦獲
免今乃獻地皇子河南連歲水災人方闕食若從其請爲害不細
帝急命止勿行而省臣請權支鈔本七百一十餘萬錠以備急用

於是樂實請更鈔法新式以進又與保八請復立尙書省帝並從之自世祖誅三凶人不敢復言尙書省事初世祖禁江南行用銅錢以鈔法當行於江南故也已而盧世榮言宜括銅鑄至元錢與鈔參行其後又議更鈔用錢尙書劉宣言利民權物其要自不妄用始若欲濟邱壑之欲非惟鑄造不敷抑且不久自弊至是復立尙書省以樂實言頒行至大銀鈔二兩至二釐止定爲一十三等每兩準白銀一兩黃金價十減其九至元鈔則五貫而令隨路立平準行用庫買賣金銀倒換昏鈔或民間絲綿布帛赴庫回易依驗時估給價金銀私相買賣者禁之其歲罷中統鈔復以樂實言增江南富民糧而質其子爲軍明年立國資院泉貨監以行銅錢法詔天下錢凡二品曰至大通寶者準至大銀鈔一釐曰大元通寶者準至大通寶錢十文而尙書省又請以至元鈔輪萬億庫銷

毀其板止以今至大鈔與銅錢相權通行爲便從之又明年武宗崩仁宗立罷尙書省以樂實等亂政害民誅之遂罷至大銀鈔銅錢詔曰世祖立中統至元鈔法公私蒙利五十年於茲矣比尙書省不究利病輒意變更鈔以倍數太多輕重失宜錢以鼓鑄弗給新舊恣用曾未再期其弊滋甚今宜變通以復舊制明年延祐元年江淮漕臣言江南殷富蓋由多匿腴田若行檢覈法當益田畝累萬計平章張罔亦言經理大事世祖亦嘗行之但其間欺隱尙多未能盡實以熟爲荒者有之懼差而析戶者有之富民鬻田仍貧民舊名輸稅者有之由是歲入不增小民苦病若令有田之家及各位下寺觀學校財賦等田一切從實自首庶幾稅入無隱差徭亦均於是經理之議興而期限猝迫貪刻用事富民黠吏並緣爲姦以無爲有虛具於籍矣是時鐵木迭兒在相位猶以爲未實

也復下令括田與張閻朋比爲惡迫民死者九人而贛民蔡九五遂反陷汀州甯化稱王於是臺臣遂言蔡九五之亂皆由呢匪馬丁經理田糧與郡縣橫加酷暴通押至此新豐一縣撤民廬千九百區夷墓揚骨虛張頃畝流毒居民乞罷經理及冒括田租制曰可並免江南自實田租其河南自實田至五年始止科其半汴梁一路凡減虛增之數二十餘萬石矣其時申秋耕之令又以社桑分給諸民而有司視爲具文但附會時相相與爲利江浙右丞曹立領諸番回易事官自發船貿易細物十抽其二粗者十五取二仍禁人下番私往者沒其貨又預賣來歲鹽引鐵貨以足先年之用其後英宗嗣立詔凡差役造作先科商賈末技富實之家以優民力明年復詔行助役法遣使考視稅籍高下出田若干畝使應役之人歲掌之收其歲入以充役費官不得與是歲泰定帝立復

命江南民戶有田一頃以上者於所輸稅外每頃量出助役之田具書於冊里正以次掌之如至治之法又凡寺觀田除宋舊額其餘亦驗多寡令出田助役民困稍蘇矣其時虞集以東南漕糧食京師不如畿輔圖自立因上言京師之東瀕海數千里北極遼海南濱青齊萑葦之場海潮日至淤爲沃壤用浙人之法築堤捍水爲田聽富民欲得官者合其眾分授以地官定其畔以爲限能以萬夫耕者授以萬夫之田爲萬夫之長千夫亦如之察其惰者而易之三年視其成以地之高下定額於朝廷以次漸征之五年有積蓄命以官就所儲給以祿十年佩之符印得以傳子孫如軍官之法則東面民兵數萬可以近衛京師外禦島夷遠寬東南以紓疲民遂富民欲官之志而獲其用江海游食之類亦有所歸矣時不能用泊天順帝卽位於上都懷王闡入京師自燕以南聲息隔

元書 卷二十四
絕乃造鈔板以濟國用未幾帝崩御史遂阿文宗言鈔法歲有所稽以新易舊不出其數倒刺沙構亂上都以經費不足令有司刻板印鈔今事已定急宜將毀從之明年更鑄鈔板仍毀其剝者至順二年燒在京積還倒昏鈔二百七十餘萬錠初茶課才一千二百餘錠自至元立江州權茶都轉運司歲有增益延祐末遂至二十八萬九千二百一十一錠當時鄧文原廉訪江東痛言其害事在文原傳至治時文原申言利病亦不報至天祿時始罷權司而歸州縣然其數則仍元祐云其時歲入租千二百一十一萬四千七百餘石江南夏稅中統鈔十四萬九千二百七十餘錠包銀差發鈔九百八十餘錠貳百一十三萬三千一百一十九索絲百九萬八千八百四十三斤絹三十五萬五千匹綿七萬二千一十五斤布二千一萬一千二百二十三匹歲課金四百八十九錠銀一千五百

六十一錠銅雲南二千三百八十斤鐵湖廣等省四十四萬一千二百斤別課鈔千八百八十錠鉛湖廣千七百九十八斤別課鈔九百三十八錠礬二千四百五十錠硝鹼二十六錠竹河南二十六萬九千七百竿板木五萬八千六百條別課鈔萬四千三十錠鹽七百六十六萬一千錠酒醋四十九萬千六百錠商稅九十三萬九千錠額外十萬九千一百錠又有秣日課中統鈔四萬五千九百錠契本中統鈔九千一百錠視至元時蓋不啻百倍矣而是時省臣上言度支今歲芻藁不足常例支給外凡陳乞者宜勿予又言恩賚不宜濫及罔功鷹鷂獅豹之食舊支肉價二百餘錠今增至萬三千八百錠控鶴舊止六百二十八戶今至二千四百戶又佛事以今較舊歲增多金一百五十兩銀二千六百兩鈔五萬六千二百錠幣帛三萬四千餘匹宜悉裁汰中政院又言皇后日

用所需鈔十萬錠幣五萬匹綿五萬斤詔鈔予所需之半幣給萬匹自太宗定歲賜甯海王銀三十錠段百匹淄川王銀百錠段三百匹濟南廣甯王國王那顏銀段均如淄川濟南加綿六百二十五斤小銀色絲五千斤羊皮千張國王綿五千九十八斤羊皮五百張加絹五千九十八匹凡折中統鈔百二十錠金十六錠四十五兩朮赤大王段如國王加常課段千匹察合台大王銀段綿如濟南加常課金六錠六兩阿里不哥大王河間王銀段均如濟南大名王銀十六錠三十三兩段五十四匹合丹滅里合失闊端曲出太子皆同曲出加銀五十錠段百匹其後阿速台大王銀八十二錠段三百匹旭烈兀末哥撥綽大王段同而旭烈兀銀則百錠末哥撥綽半之裕宗后銀五十錠段絹各千匹安西北安王段絹同平遠西平愛牙赤鎮南王雲南王忽都帖木兒太子皆銀五十錠段

匹物料共折鈔二千六百五十六錠晉王段絹各千匹又太祖四斡耳朵段皆七十五匹大斡兒朵銀四十三錠紅紫羅三十匹染絹百匹常課段八百匹餘皆銀五十錠二斡兒朵又常課段千四百九十匹三斡兒朵常課段六百八十二匹世祖四斡兒朵皆銀五十錠而二斡兒朵加銀七錠段百五十匹順宗后段五百匹武宗眞哥皇后銀五十錠鈔五百錠完者台皇后銀五十錠又帶魯罕公主銀四錠八兩段十二匹欠帖溫絹百匹弓絃千條札八忽娘子常課段四百七十四匹脫力失萬戶常課段三十三匹伯要歹千戶段二十四匹典迭兒常課段六十四匹太平王金十錠銀五十錠鈔萬錠代有所益而登極恩例世祖以來太后爲取眞定金銀賞推戴功事具布魯海牙傳洎成宗定朝會賜與太祖位金千兩銀七萬五千兩世祖位金五百兩銀二萬五千兩武宗命賜與悉從

成宗然省臣言朝會應賜者爲鈔三百五十萬錠未給尙百八十萬兩都所儲已虛遷延至於英宗遂命停諸王賞賚及皇后苔里麻失等歲賜然非時賞給及內降旨賜與者不可悉書也佛事自至元三十年開醮祠之目僅百有二後遂增至五百有餘僧徒營結近侍欺昧奏請歲費千萬其土木營繕宮府建築並寺觀私第無歲無之侍臣奏乞賜賚往往伺人主喜悅輒稱乏財無居及嫁娶或以伎物呈獻遞互要求游惰之徒又復妄投宿衛部屬及宦者女紅大醫陰陽之類一歲所請衣馬芻糧十戶所徵入猶不足以給之泰定時丞相旭邁傑故請減廐馬汰衛士及節諸王濫賜而泰定以藩服登大位勢不能行也文宗亦如之是時中丞史惟良遂疏言今郡縣被災者眾國家經費若此之難帑藏空虛生民凋瘵此正宜更新百廢之時宜遵世祖成憲汰冗濫蠶食之人罷

土木不急之役並釐正諸不便如此則頌祥可致不然將其弊滋深治亂之由恐自此分矣帝嘉納之然實不能改也踰歲省臣復上言近歲空虛其濫費有五曰賞賜曰作佛事曰創置衙門曰濫冒支請曰續增衛士廐房請與院臺及怯薛官同加裁省帝又從之而虛糜如故其邊庭備軍需則市糴之法有二曰市糴糧鹽折草皆增其直而市於民其後價懸殊而官吏多需索名曰和糴實則強也常平倉置於路府始議米賤增糴米貴減糴後以和糴糧及諸河倉所撥糧貯焉其後又以鐵課糴糧充焉亦猶市糴之法又社置義倉豐年則納穀荒歉則就給惠民藥局行於二都及各行省良醫主之以療貧者其始官給鈔本月營子錢以備藥物失陷官本則革罷之然皆日久寢息具文而已其後順帝幼冲踐位益多所廢弛至正二年李宏上言國朝既於江州設立權茶都轉

運司仍立提舉司七每杪歲初吉本司差人勾集提舉司官吏關
領次年據引及到司已及旬月又必需求滿欲始以據引給付爲
時則春月已過矣又有分司官吏驗戶散據賣引每引十張除正
納官課一百二十五兩外又納中統鈔二十五兩名爲搭頭事例
錢實則分司官吏飽贖之資是提舉官不過爲運司官吏營辦貨
財又可籍名收斂遷延至茶戶得據還家又已五六月矣碾磨方
興而吏卒又已踵門催併初限不知茶未發賣何由得錢充裕者
尙須別行措辦力薄者例被拘監無非典鬻家私以應官限及終
限不能足備上司緊併重複勾追此皆出運司給引之遲分司苟
取之過茶戶本圖求利反受其害日見消乏逃亡情實可憫今莫
若令運司正月將據引散盡無使提舉多受分例妨誤造茶時月
仍不許分司自行散賣據引違者從憲司糾治庶貪黷之風可以

少革是時御史王思誠侯以禮又言京師自大德七年罷大都鹽
運司設官賣鹽局十有五泰定二年罷元統元年復之今又十年
法久弊生計常白鹽一千五百引用船五十艘官鹽二萬引船五
十艘而運司所遣之人擅作威福南抵臨清北自通州所至以索
截河道舟楫往來無不被擾名爲和糴實則強奪一歲之中千里
之內凡富商之載米粟與達官之載室家無不得賄放行而貧弱
者則拘留之其舟小而不固滲漏侵盜不可窮究旣達京殿又不
得依時交收淹延歲月困守無聊鬻妻子質舟楫者有之客船不
前百物涌貴實由於此且局多雜費當時設官但爲民食貴鹽豈
知官賣貴而商販反賤若罷監局於來歲榜告鹽商入京興販又
於江南造小料船五十艘以運白鹽由運司雇運庶舟楫通而商
賈集百貨不貴而鹽亦賤疏入報可鹽自至元中頒新格鹽法至

大中又新降鹽法其後引課竝增於是河間山東陝西兩淮兩浙福建廣東四川各指陳鹽額增重散派各鹽椿配民食之害正額未行餘鹽過多亭戶竈丁困苦流離逃徙死亡之禍咸請釐弊減引其諸稅務大抵弊竇繁滋上下好爲私利黎民重困而盜賊興矣數歲脫脫爲丞相以右丞悟良哈白左丞烏古孫良楨言立司農分司以開畿輔農田西至西出東至遷民鎮南至保定北至檀順皆修水利立法佃種更募江南善種水田能修圍築堰者爲師歲用大稔蓋符虞集之策其時江南海運不時至亦以此稍濟京師而是時國民俱病先是翰林侍講學士揭傒斯請兼行新舊銅錢以救鈔法之弊不行脫脫入左都事武祺吏部尙書僕篤哲言乃置諸路寶泉司於京師以鑄至正錢並行至正交鈔詔曰我世祖頒行中統交鈔以錢爲文雖鼓鑄未遑而錢幣兼行之意已具

後造至元寶鈔以一當五名曰子母相權而錢鈔未嘗用也今鈔法偏虛民用匱乏爰謀拯弊乃鑄至正通寶錢與歷代銅錢兼用以實鈔法用上副世祖初意於是省院共議皆迎合脫脫意祭酒呂思誠獨慮民藏其實而棄其虛非國之利語在思誠傳中脫脫不從遂以楮幣一貫文省權銅錢一千文中統交鈔比新楮幣至元交鈔準二貫而通行如故行之未久物價騰踊果如思誠所言又值海內大亂軍儲賞犒每日印造不可數計交料散滿人間京師料鈔十錠易斗粟不可得所在郡縣皆以物貨相貿易公私所積之鈔遂俱不行人視之若弊楮國用由是窘急而元遂亡

論曰劉秉忠對世祖曰錢用於陽楮用於陰國家龍興沙漠幽陰之域宜用楮幣若用錢四海將不靖其後屢用錢而迄不行何也馬亨以交鈔可權萬貨爲法使然而以法爲人主之柄斯言諒矣

故苟得其柄楮亦錢也否則錢亦不能用況於楮哉元始終行中
統至元交鈔蓋有由矣而賦稅兼租庸調及兩稅法驗地及戶丁
租庸具矣絲料其調耶然何以地戶丁皆以粟而別以絲料爲科
差又何以有包銀而益以俸鈔也重遞征求豈用一緩二之道卒
之歲入日增月益而國加窘急所謂不節若則嗟若者乎

衡陽聶濬泉

金盛輝 刊

曾和軒

門人曾俞元襄校

門人曾士琮詳校

元書卷二十四

元書卷二十五

邵陽曾廉撰

兵刑志第十

昔在唐虞蠻夷猾夏寇賊姦宄皆見懲於士師故班固曰聖人因
天秩而制五禮因天討而作五刑大刑用甲兵其次用斧鉞大者
陳諸原野小者致之市朝故干戈弓矢以威不道敢抗顏行草薶
而禽獮之刑之大者也有頑梗不循天常鑽鑿鞭朴流諸四裔
刑之小者也宋子罕曰天生五材民並用之廢一不可誰能去兵
聖人治天下道之以政亦不能不齊之以刑也自周初司馬司寇
分職而治戰國以來申不害韓非綜核名實遂有刑名家而嚴酷
之意多矣而起剪頗牧則當時所謂爭地以戰殺人盈野爭城以
戰殺人盈城者也孫武著兵書尤極精微善窺彼己之形虛實之

用公輸般墨程則各以攻守著聞器械之制興矣此亦毒天下之大也自是而秦并六國劉項喋血以亡嬴族遂以韓信申兵法張蒼定律令爲國大政其後兵家無大著者至唐而後李靖李世勣號爲大將克繼淮陰而唐律亦作自太宗之世最名平允刑罰世輕世重而天下大亂則大才生小亂則小才生天亦與世爲轉移焉故曰強漢弱宋漢何以強其君剛勁而臣効死力以雪國恥宋何以弱其君姑息而臣有保境息民之論漸漬以致此也故刑不可淫也亦不可弛也兵不可窮也亦不可銷也元興於沙漠不兒罕之山其初者勒蔑博爾朮一二人相爲盡力而已至泰赤烏來犯已有兵十三翼太祖卽大位遂有萬戶三千戶九十五其後遂滅國四十威薄於四海矣其行軍人有馬復有從馬及駱駝之屬兵進不計後路不問餉源往往窮極廣莫飢則掠取牛馬雜畜或

自漁獵渴則刺馬駝血以飲無風雪之避無瘴癘之防行之數萬里而不疲出入乎風雨毒陽穹嶺陰谷荒穢幽林而不忌蓋自古以來用兵未有如元之堅悍者也然平宋以後兵反脆弱矣至於季世張士誠以十三人橫行江淮而不能制迹其所以盛衰亦古今得失之林也而其兵制有可得而言者元初長百人者曰百戶亦曰把總長千人者曰千戶軍盈萬人則爲萬戶以統攝之其軍有蒙古軍有探馬赤軍蒙古軍皆國人探馬赤軍則諸部族也其法家有男子十五以上七十以下無眾寡皆僉爲軍十人爲一牌設牌頭上馬則備戰鬪下馬則屯聚牧養孩幼稍長又籍之曰漸丁軍而其室家則皆曰奧魯凡出征者諸奧魯仍不免雜泛徭役也其入宿衛者則爲天子之禁兵曰怯薛歹領於四怯薛長四怯薛長者開國功臣四傑之後也其主弓矢鷹隼之事者曰火兒赤

昔寶赤怯憐赤書寫聖旨者曰札里赤爲天子主文史曰必閣赤親烹飪以供上飲食曰博兒赤侍上帶刀弓矢者曰云都赤閣端赤司閤曰八刺哈赤掌酒曰答刺赤典車馬曰兀刺赤莫倫赤掌內府尙供衣服曰速古兒赤牧駱駝曰帖麥赤牧羊曰火你赤捕盜曰忽刺罕赤奏樂曰虎兒赤皆在天子左右服勞侍從而分番更直焉故元無寺宦干政之禍由天子親近皆用文武之士故也其事亦世守之雖以才能授任使服官政貴盛之極然一日歸至內庭則執其事如故至於子孫無改此其所以爲善也其後世祖又設樞密院以節制內外諸軍內則五衛以象五方諸衛亦復有增置改易事皆具職官志中而其軍有充圍宿或儀仗或扈從看守巡邏鎮邊皆惟上所裁外則諸鎮戍皆其所轄也初太祖視山後人與蒙古一體既平中原於是始有漢軍或以貧富爲甲乙戶

出一人曰獨戶軍二三戶而出一人則爲正軍戶餘爲帖軍戶或以丁男論常以二十丁出一卒或十丁出一卒或以戶論二十戶出一卒而限年二十以上者充若卒有富商大賈則又取一人曰餘丁軍或取諸匠曰匠軍或取諸侯將校子弟曰禿魯花軍禿魯花言質子也其時設五萬府以鎮中原諸邊疆皆有探馬赤官或設達魯花赤以鎮撫之凡軍死亡更代或合併補貼遷調皆有其法逃戶復亡皆有其籍然未有水軍也自至元三年董文炳造戰艦以習水戰七年阿朮剏整圍襄陽復教水軍七萬餘人畫地爲船而習之而水師萌芽矣及乎宋後又得宋兵曰新附軍當是時海內混一世祖命宗王將兵鎮邊徼襟喉之地而河南山東據天下腹心則以蒙古探馬赤軍戍之而總於各道宣慰司都元帥又立行樞密院於江南三省付以行省見管軍馬尋立三萬戶府蒙

古漢人新附軍相參爲三十七翼上萬戶宿州蘄縣真定沂郟益都高郵沿海七翼中萬戶棗陽十字路邳鄧懷孟杭真八翼下萬戶常州鎮江廬潁亳州安慶江陰益都新軍湖州淮安壽州楊泰處州上都新軍黃州安豐松江鎮江水軍及建康二十二翼水軍弩手並隸焉未幾江淮行省平章不憐吉歹上言行省丞相忙兀臺多變亂伯顏阿朮成法移置江南鎮戍於是重立浙東等萬戶府更擇瀕海沿江要害二十二所分兵閱習水戰伺察諸盜其時又征海外諸番水軍大興其後元貞中以太傅伯顏言罷行樞密院而仍隸各行省而行省權益重矣越再歲大德元年河南行省言前揚州立江淮行省江陵立荆湖行省其後江淮移杭州荆湖遷鄂州又設河南江北行省於汴梁通管江淮荆湖地面所屬之地大江最要兩淮地險人頑宋亡始來歸順當時沿江定制三十

一翼軍馬鎮遏後十二翼他調乞發原翼以防未然樞密院以爲三十一翼之說簿書所無也河南省官亦言無樞密院文大率元兵極爲勇悍而主兵又過於秘密其初過於殺戮每兵過輒摧殘其城郭殘害其人民惟僧道工匠得免其後以江南初定猶多反側則募民能進討者自爲一軍賴博羅歡言徒奪人妻孥財賄仇怒益滋矣乃止然終元之世皆忌漢人主兵南人尤甚以兵籍係軍機重務漢人不得閱其數惟樞密重臣職專軍旅得閱亦止長官一二人知之其省臺官覈軍數者罪死故立國百年內外兵卒之多寡人莫敢問其籍亦未盡具也其時至順中詔裁省衛士若各宿衛有容匿漢南人高麗人及奴隸濫充者罪在怯僻官及其長其在行省則以國人提調軍馬故事漢人不得預軍政然在世祖之世乃顏之叛用右丞葉李言以李庭將漢軍列前以漢法戰

乃顏遂就禽事在烈祖四王傳其後王克敬參政江浙竟以漢人調兵征徭寇而嶺海以靖又察罕帖木兒起兵以平秦晉青豫是皆漢人也其時吳當黃昭募民兵討賊又幾定江西而參政朵歹以爲南人不宜典兵矣蓋國人雖雄桀而私其黨類往往草芥諸人至於季末益肆驕悍始功疾能勝則相爭敗不相救時多逗留奔潰與中統至元時勇怯又懸殊矣是時盜賊蔓延國兵不能制至正十三年立義軍千戶水軍千戶所於江西明年立南陽鄧州等處毛胡盧義軍萬戶府毛胡盧者金商義兵以獸皮爲矢房狀如瓠也十五年復立淮東等處宣慰司於天長統濠泗義兵萬戶府并洪澤等處義兵聽富民願出丁壯五千名爲萬戶五百名爲千戶百名爲百戶仍降宣敕牌面又或號其長曰義軍元帥然當時惟察罕帖木兒父子能憤激立功績躬自搏擊力圖恢復若田

豐等十萬戶相繼背叛而山東遂失又調苗軍以助征討而所在劫殺無異盜賊矣其時遂置分省分院以調遣諸軍而綱維卒散國遂以亡至馬政則牧地十有四曰東路折連怯呆兒等處曰玉爾伯牙上都周圍曰哈刺木連等處曰阿刺忽馬乞等處曰斡斤川等處曰阿刺察不罕曰甘州等處曰左手永平等處曰右手固安等處曰亦奚不祥曰藍州曰益都曰火里禿麻曰高麗耽羅國周迴萬里其馬以千戶或百戶主之而歲以供上乘及馬乳馬在民間者亦百取一或三十而取一殺乎此則免然元時多供國用及以乳供醞若遇征戍及邊圉之馬則和市或拘括以供倉卒之用惟婦人兒童皆習騎射能禦侮云初太祖頒條畫刑獄惟重罪取死其餘雜犯量情笞決然將吏多貪暴無人理咸得不鎮燕常殺人盈市事具耶律楚材傳太宗大會諸王百僚諭以條令語亦

在本紀中而憲宗時世祖在藩過燕見行省布智兒等一日殺二十八人且有既杖釋復追還試環刀者世祖詰責之問以何刑皆愕不能答也其後世祖卽位詔軍中犯法不得擅自誅戮罪輕斷遣重者奏聞又重誣告之罪漸有志於清刑獄矣然其時阿合馬盧世榮桑哥當國有無罪而誅者不可勝數也是時猶習用金泰和律至元二十八年始用至元新格世祖又嘗謂宰臣曰朕或怒有罪使殺汝必遲迴一二日乃覆奏然治阿合馬則發冢戮屍縱犬食之四子皆誅戮或醢或剝皮以徇其誅盧世榮則剖其肉以飼禽獺事皆出五刑之外其懲大慝如此明年制贓罪十有三等其枉法者五自一貫至十貫笞四十七不滿貫者量情斷罪除名十貫至二十貫笞五十七二十貫至五十貫杖七十七百貫以上杖一百七不枉法者八一貫至十貫笞同枉法不滿貫者量情斷

罪解任別仕二十貫至五十貫笞同枉法注邊遠一任五十貫至百貫杖六十七降一等百貫至百五十杖七十六降二等百五十貫至二百貫杖八十七降三等二百貫至三百貫杖九十七降四等三百貫以上杖一百七除名貪墨少戢矣而是時盜賊縱橫閩海廉訪使程鉅夫上言比年劫盜殺人所在多有一經告發巡尉吏卒名爲體覆而被盜之家及其鄰右先已騷然及付有司則主吏教以轉板平民坐展歲月幸而讞定不過杖一百七而枝蔓被逮平人之死於獄者反十四五況劫盜幸免必圖報復而告發之家無遺種矣是益張賊勢也未藏兵器者法論死況以兵器行劫而罪止於杖此何理也今後應照藏兵器從重治罪郡府以便宜從事竝免待報庶使凶人警畏平民安帖逾再歲成宗元貞元年以多盜詔問弭盜方略山東廉訪使陳天祥言古盜賊之起各有

所因歲凶飢饉此可委之天時若夫軍旅不息工役薦興厚斂煩刑皆足致盜而所以保護存養之者赦令是也赦者小人之幸君子之不幸一歲再赦善人暗啜前人言之備矣彼強梁之人各執兵杖殺人于貨不顧其生有司盡力以禽之朝廷加恩以釋之朝脫纍囚夕復行劫耳彼性已頑定既不感恩亦不畏法非嚴刑誠無以制其暴也於是立禽盜格督責盡滅然未能盡行也其歲又詔賊吏論罪再犯者加二等又制倉庫官吏盜所守穀罪論直滿三百貫者死計贓以至元鈔爲則先是翰林學士王惲上書曰法者輔治之具君操於上永作成憲吏承於下遵爲定式民曉其法易避而難犯若周之三典漢之九章是也今國家有天下六十餘年大小之法尙無定議至平刑議斷未免有酌量準擬之差彼此輕重之異臣愚謂宜將累朝聖訓與中統迄今條格通行擬議參

而用之與百姓更始如是則法無二門輕重適當吏安所守民知所避而天下治矣大德三年遂命何榮祖更定法令其先至元新格亦榮祖所定也而其時問刑之官多所糾紛有隸宗正府有隸樞密院都護府或宣徽院中政院諸王傅相內史府金玉府拱衛司又有隸宣政院道教所白雲宗所者七年衢州鄭介夫復極言刑書不定之弊語在介夫傳中其後數歲武宗立中書省言刑法者譬之權衡不可偏重世祖已有定制自元貞以來以作佛事諸死罪賄賂作禿魯麻釋之太寬故有司無所遵守今請凡內外犯法之人悉歸有司依法裁決又請將世祖卽位以來所行條格校讐歸一遵而行之制可至大四年仁宗立以編定政令有關風紀號曰風憲宏綱其後英宗立丞相拜住復請詳定舊典至治三年遂頒行大元通制於天下其條目名例四衛禁八職制三百七祭

元書 卷二十一
令五學規十三軍律十二戶婚六十九食貨二十六惡五十一
姦非五十九盜賊百一十四詐僞五十訴訟二十二鬪毆四十二
殺傷一百六禁令百一十一雜犯十四捕亡九恤刑十五平反四五
刑之制笞刑六自七下遞加十至五十七杖刑五自六十七遞加
十至一百七徒刑五自一年遞加平年至三年凡徒一年杖六十
七遞加至一百七流刑三日遼陽曰湖廣曰迤北死刑二曰斬曰
凌遲處死獄具枷手杻腳鐐皆有輕重尺寸笞杖訊杖皆有分釐
大小頭並刊削節目無令筋膠諸物裝釘先是王約嘗上言國家
之制笞杖十減爲七今之杖一百者宜止九十七不當又加十也
曹伯啟又言五刑者刑異五事今黥杖徒役於千里之外百無一
生還者是一人身備五刑也拜住亦是其言會伯啟出廉訪浙西
遂不果改久之監察御史蘇天爵奏國家自太祖勘定中夏法尙

寬簡世祖混一海宇肇立制度列聖相承日圖政治雖法令之未
行皆因事以立法歲月既久條例滋多英宗始命中書定爲通制
頒行多方官吏遵守然至今又幾二十年矣夫人情有萬狀豈一
例之能拘加以一時官曹材識有高下之異以致諸人罪狀擬議
有輕重之殊繁條碎目與日俱增每罰一辜或斷一事有司引用
不能通舉若不類編頒示中外誠恐遠方之民或未識而誤犯姦
貪之吏獨習知而舞文宜從都省早爲奏聞精選文臣學通經術
明於治體練達民政者圍坐聽讀定擬去取續爲通制刻板頒行
中間或有與先行通制參差抵牾本末不應悉當會同講貫畫一
要在詳書情犯顯言法意通融不滯於一偏明白可行於久遠庶
列聖之制度合爲一代之憲章矣其後順帝後至元二年中書員
外郎陳思謙言強盜但傷事主皆死而故殺從而加功之人與鬪

殺人例杖百七得不死是與私宰牛馬之罪無異也因姦殺夫所
姦妻妾同罪律有明文今止坐所犯似均失推明帝令法曹更定
罪例著爲定制其歲復詔強盜者死盜牛馬者剽盜驢騾者黥額
再犯剽盜羊豕者墨項再犯黥三犯剽後再犯者死盜諸物計
物論罪亦定爲令明年帝命平章政事昂吉兒監造刑政條例丞
相伯顏請殺張王劉李趙五姓漢人帝不許六年又命翰林學士
荅罕宣文閣學士巉巉等刪修通制焉明年書成其後至正六年
乃始頒至正條格於天下大率元時刑尙輕典而舊史論其弊在
南北異制事類繁瑣挾情之吏舞弄文法出入比附用譎行私而
凶頑不法之徒又數以赦宥獲免至於西僧歲作佛事或恣意縱
囚以售其姦俾善良者暗啞而飲恨蓋如鄭介夫之言又言元之
刑法其得在仁厚其失在弛緩而不知檢也可謂知本末矣

論曰易訟師起於飲食宴樂君子致慎於杯盤衽席之間天保定
爾民之質矣故神武而不殺無情者不得盡其辭羸劉以降武人
志剛芻狗萬物計功以首而屠伯復興矣元起自朔方秉西北肅
殺之氣故雄於征戰而明慎用刑噉乾肉得黃金仁之道也然立
國百年刑弛而兵亦窳矣傳曰晏安酖毒國之不振晏安之咎也

元書

卷二十五

七

元書卷二十五



湘鄉張國彥刊

金城刊

門人曾傳澄襄校

門人曾士琮詳校



